

說文解字義證

說文解字第八

義證第二十四

曲阜桂馥學

人 天地之性最貴者也此續文象臂脛之形凡人之屬

皆從人

如鄰切

人 從倒人則

人當作

天地之性最貴者也者孝經聖治章天地之性人為貴注

云費其異於萬物也釋名人仁也仁生物也故易曰立人

之道曰仁與義易大人者與天地合其德與日月合其明

與四時合其序與鬼神合其吉凶書泰誓惟天地萬物父

母惟人萬物之靈傳云天地所生惟人為貴成十三年左

傳民受天地之中以生所謂命也中庸天命之謂性大戴

禮曾子天圓篇毛蟲毛而後生羽蟲羽而後生毛羽之蟲

陽氣之所生也介蟲介而後生鱗蟲鱗而後生介鱗之蟲

陰氣之所生也唯人為裸而後生而後生也陰陽之精也虛辯

注人受陰陽純粹之精有生之貴也禮運人者天地之心

說文解字義證

連筠影後學

五行之端也。會味別聲，被色而生者也。又云：故人者，其天
地之德，陰陽之交，鬼神之會，五行之秀氣也。管子：人，木也。
男女精合而水流，形二月而咀咀者，五味是五藏也。酸生
脾，鹹生肺，辛生腎，苦生肝，甘生心，藏已具而後生五肉，脾
生髓，肝生骨，腎生筋，肝生革，心生肉，肉已具而後生九竅。
脾為鼻，肝為目，腎為耳，肺為口，為下竅。五月而成人，十月
而生。文子：精氣為人，人受天地變化而生。一月而膏，二月
而脈，三月而胎，五月而筋，六月而骨，七月而成，八月而形，
八月而動，九月而躁，十月而胎，五月而生，形骸乃成。五藏
乃成人，十月者何？人天之子者，經天地之數，五故十月。
而備乃成人也。列子：楊朱篇：榮啟期曰：天地之類，懷五常
而有生之，最靈者也。天璠篇：榮啟期曰：天地之類，懷五常
而吾得為人，是一樂也。鬻子天地間，而萬物生，萬物生而
人為政焉。子華子：一人之身為骨，凡三百有六十精液之
所朝夕也。氣息之所吐吸也，心意志慮之所識也。手足之
所運動而指股之所信屈也，皆與天地之大數通體而為一。
一故曰：天地之閒，人為貴。公孫尼曰：人有三百六十節，當
天之數，形體有骨肉，當地之厚，也有九竅，脈理當川谷也。
血氣者，當風雨也。春秋演孔圖：正氣為帝，閭氣為臣，秀氣
為人。孝經：援神契：人頭圓象天，足方法地，五藏象五行，四

肢法四時九竅法九分日法日月肝仁肺義腎智心禮膽
斷脾信膀胱津難髮法星辰節法日歲腸法鈴注云鈴鉤
也主鍵開淮南地形訓天一地二人三三三而九九八
十一一主日日數十日主人人故十月而生天文訓岐行
喙息莫貴於人孔竅肢體皆通於天天有九重人亦有九
竅天有四時以制十二月人亦有四肢以使十二節天有
十二月以制三百六十日人亦有十二肢以使三百六十
節故舉事而不順天者逆其生者也精神訓煩氣為蟲精
氣為人是故精神天之有也而骨髓者地之有也春秋繁
露天地陰陽木火土金水九與人而十者天之數畢也故
數者至十而止書者以十為終皆取之此聖人何其貴者
起於天至於人而畢畢之外謂之物物者投所貴之端而
不在其中以此見人之超然萬物之上而最為天下貴也
又云唯人獨偶天地人有三百六十節偶天之數也形體
骨肉偶地之厚也上有耳目聰明日月之象也體有空竅
理脈川谷之象也心有哀樂喜怒神氣之類也故小節三
百六十六副日數也大節十二分副月數也內有五藏副
五行數也外有四肢副四時數也乍視乍瞑副晝夜也乍
柔乍剛副冬夏也乍哀乍樂副陰陽也太元天地之所貴
曰生物之所尊曰人漢書制法志夫人竹天地之類懷五

常之性聰明精粹有生之最靈者也爪牙不足供嗜欲趨走不足避利害無毛羽以禦寒暑必將役物以爲養任智而不恃力此其所以爲貴也鹽鐵論傳曰凡生之物莫貴於人人主之所貴莫重於人故天之生萬物以奉人也人主愛人以順天也論衡奇怪篇天地之性人爲貴貴別通篇保蟲三百人爲之長天地之性人爲貴貴其識知也潛夫論讀學篇天地之所貴者人也風俗通萬類之中惟人爲貴抱樸子黃白篇人之爲物貴性最靈晉董京詩萬物皆賤惟人爲貴宋書歷志夫天地之所貴者生也萬物之所尊者人也盧思道勞生論生者天地之大德人者有生之最靈所以作配兩儀稱貴羣品此篇

僮

未冠也從人童聲

徒紅切

未冠也者玉篇僮僮幼迷荒者廣雅僮稚也顏注急就篇僮謂僕使之未冠笄者也哀十一年左傳公爲與其嬖僮汪錡乘魯語使僮子備官而未之間耶韋云僮僮蒙不達也通作童釋名十五曰童牛羊之無角者曰童山無草木曰童言未巾冠似之也易蒙卦匪我求童蒙釋文云字書作僮鄭云未冠之稱書呂州幼子童孫喪服記童子唯當

室總注云童子未冠之稱

也論語問黨童子將命

保

養也從人從采省采古文采

切博哀

古文作保見楚

養也者大戴禮保傳篤係係其身體文王世子立太傅少
傅以養之注云養教也又云入則有保出則有師係也者
慎其身以輔翼之而歸道者也注云慎其身者謹安護之
漢書宣帝紀阿保之功注係督也漢官儀太保係養也北
史魏本紀係者以帝體重倍於常見從采省者徐鍇本
作采省聲左傳正義引同采古文示者徐鍇本無此文
當云古文采字本書采古文采字六書故亦引作古
文字又案字鑑云采音字廢字云采古文采字

采

古文保

本書宗從

采

保

古文保不省

春秋莊六年左氏經齊人來歸衛俘杜云公羊穀梁經傳皆言衛寶此傳亦言寶惟此經言俘疑經誤正義云案說文係從人采省聲古文係不省然則古字通用寶或係字與俘相似故誤作俘耳

仁 親也從人從二切如鄰

親也者仁親聲相近釋名仁忍也好生惡殺善含忍也一切經音義八周禮云六德一曰仁鄭玄曰愛人及物曰仁上下相親曰仁周語慈惠係民親也荀子不苟篇交親而不比注云親謂仁恩尹文子仁者所以博施於物尸子仁則人親之呂氏春秋愛類篇仁也者仁乎其類者也韓詩外傳愛由情出謂之仁一切經音義六諡法曰貴賢親親曰仁從二者徐鍇本作二聲錯通論云二亦聲也春秋元命苞仁者情志好生愛人其立字二人為仁

古文仁從于心

古文仁或從尸

舉踵也從人止聲切去智

舉踵也者李善注來自試表引同韻會引徐鍇本作舉踵
望也廣韻企望也通俗文舉跟曰企也玉篇引詩如企斯
翼釋名企故開也日延竦之時諸機樞皆開張也老子企
者不立王弼注物尚進則失安故曰企者不立本書駢獸
足企也釋身見雁醜其足蹠其踵企通作跂史記高祖本
紀日夜跂而望歸正義說文云跂舉踵也司馬彪云跂望
也馥案漢書作企顏注企謂舉足而竦身山海經跂踵國
其人行腳跟不著地詩衛風跂予望之傳云跂足則可以
望見之也企弓不至焉者跂而及之止

企

古文企從足

廣雅作企

云立也

企

伸臂一尋八尺從人刃聲

而企

周禮遂人千夫有治廣三尋深二仞考工記同開廣二尋深
二仞謂之治祭義築宮仞有三尺昭三十二年左傳仞

溝洫注云

度深曰仞

卷之三

卷之三

四

連筠移叢書

伸臂一尋八尺者程君敦曰說文筵字云度堂以筵筵一丈以此例之則仞字當云伸臂一尋尋八尺今本脫一尋字本書尋下云度人之兩臂爲尋八尺也禮部韻畧八尺曰仞一切經音義十一八尺曰仞書旅葵爲山九仞傳云八尺曰仞孫子軍形篇勝者之戰若決積水於千仞之谿者形也注云八尺曰仞山海經夫華之山其高五千仞注云仞八尺也漢書賈誼傳鳳皇翔於千仞顏注八尺曰仞六書故古以周尺八尺爲仞中人之身長八尺兩臂尋之亦八尺兩足步之亦八尺度高深以仞度長短以尋度地以步積案說仞者多異有言四尺者史記權侯列傳守梁七仞之城集解引小爾雅四尺謂之仞倍仞謂之尋有言五尺六寸者漢書賈山傳爲河房之殿殿高數十仞應劭曰五尺六寸曰仞有言七尺者徐鍇韻譜仞七尺廣韻七尺曰仞鄉射記杠長三仞以鴻脰韜上二尋注云七尺曰仞八尺曰尋論語夫子之牆數仞包氏曰七尺曰仞也莊子庚桑楚篇步仞之邱陵釋文七尺曰仞呂氏春秋適威篇若決積水於千仞之谿注云七尺曰仞文選招魂長人千仞五臣云七尺曰仞續漢輿服志天子五路建太常十有二旂九仞曳地注引鄭康成曰七尺曰仞天子之旗六丈三尺顧炎武曰說文仞伸臂一尋八尺家語孔子所謂

舒肘知尋書爲山九仞孔傳八尺曰仞正義曰考工記匠
人有畎遂溝洫皆廣深等而澮云廣二尋深二仞則澮亦
廣深等仞與尋同故知八尺曰仞王肅聖證論及注家語
皆云八尺曰仞與孔義同鄭元云七尺曰仞與孔義異論
語夫子之牆數仞注包云七尺孟子掘井九仞注八尺堂
高數仞注亦云八尺當以八尺爲是若小爾雅云四尺漢
書應劭注云五尺六寸則並
非矣通作仞孟子掘井九仞

仕

學也從人從士

組里切

學也者本書宦仕也急就篇宦學諷詩孝經論顏注宦仕
也言欲仕學者必當先諷讀詩及孝經論語也書周官學
古入官議事以制政乃不迷又云不學牆面蒞事惟煩論
語學而優則仕仕而優則學又云有民人焉有社稷焉何
必讀書然後爲學孔注言治人事神於是而習亦學也宣
二年左傳宦三年矣服注宦官學士也襄三十一年傳子
皮欲使尹何爲邑子產曰少未知可否子皮曰愿吾愛之
不吾叛也使夫往而學焉夫亦愈知治矣子產曰僑聞學
而後人政未聞以政學者也曲禮宦學事師
非禮不親注云仕與學皆有師以明道也

交也從人從交下巧切

交也者廣雅同本書傷交傷詩天作岐有夷之行傳云夷易也箋云有佼易之道交交桑扈箋云交交猶佼佼家語入官篇量之無佼民之辭注云佼猶周也

具也從人異聲士勉切

具也者廣雅同通作撰論語異乎三子者之撰孔注撰具也釋文撰鄭作俱讀曰詮詮之言善也馥案本書詮具也僖元年左傳具祁器用而遷之師無私焉注云皆撰具還之無所私取楚詞天問撰體協脅洪注撰具也鬻子篇名撰吏五帝三王傳政乙逢行珪注云撰具也文選藉田賦司農撰播殖之器字又作誤楚詞大招聽歌誤只王注誤具也通作選論語大夫俱漢書人表作選

保冠飾兒從人求聲詩曰弁服侏侏巨鳩切

冠飾兒者釋言侏戴也郭引詩戴弁侏侏字或作頽廣蒼頽戴也詩曰弁服侏侏者周頌絲衣文彼作載弁侏侏

傳云依依恭順貌箋云載猶戴也弁爵弁也爵弁而祭於
王上服也釋文依說文作綵馥案釋文為後人所亂疑陸
本詩作綵當云綵說文作依釋訓依依服也郭云謂戴弁
服邵君晉曰戴弁在首而謂之服者士冠禮祫爵曰始
加元服曰乃申爾服曰咸加爾服鄭注謂
緇布冠皮弁爵弁也是弁得稱為服也

佩

大帶佩也從人從凡從巾佩必有巾巾謂之飾

蒲妹切

董已與服志佩以章德釋名佩倍也言其非一物有倍貳
也有珠有玉有容刀有帨巾有繡之屬也王逸曰行情潔
者佩芳德光明者佩玉能解

結者佩繡能決疑者佩玦

大帶佩也者御覽引作大冠帶佩也廣韻佩玉之帶也禮
曰凡帶必有佩玉馥案詩雜佩以贈之傳云珩璜琕瑀衡
牙之類玉藻古之君子必佩玉又云天子佩白玉公侯佩
山元玉大夫佩水蒼玉世子佩瑜玉士佩璆玞從人從
凡從巾佩必有巾巾謂之飾者初學記引云佩從人凡啓
也佩必有巾從巾本書巾佩巾也帶下云佩必有巾王逸
楚詞注佩飾也戴侗曰林罕云說
文佩從重巾不知罕所見何本也

儒

柔也術士之稱從人需聲

人朱切

靈石楊氏

柔也者廣雅同儒柔聲相近本書儒弱也儒驚弱也一切經音義二十四說文儒柔也謂柔悞也方言儒喻愚也注云儒輪猶儒悞也盧君文弼曰案漢書西南夷傳作選夷後漢書西羌傳作選儒音義並與儒悞相近禮記儒行鄭目錄云名曰儒行者以其記有道德者所行也儒之言優也柔也王粲編吏論竹帛之儒豈生而迂緩也起於講堂之上游於鄉校之中無嚴猛斷割以自裁雖欲不迂緩弗能得矣先王見其如此是以吏服訓雅儒通文法故能寬猛相濟剛柔自克也北史王憲傳王凝性儒緩不剛劉芳傳為政儒緩不能禁止姦盜唐書鄭畋傳賊內輕畋儒柔案需柔以聲相通考工記鮑人欲其柔滑而腥脂之則需注云故書需作需鄭司農云翻讀為柔需之需詩時邁懷柔百神釋文柔本亦作需宋書樂志昭事先聖懷需上靈莊子以濡弱謙下為表方言蘇之小者謂之蘇菜即本草之香蒿通鑑注魏呼柔然為蠕蠕南人語轉為芮芮鄭注周禮大祝云播讀為虞芮之芮術士之稱者所謂儒術也晏子春秋言有文章術有條理禮儒行營道同術周禮太宰以九兩繫邦國之民四曰儒以道得民注云儒諸侯

保氏有六藝以教民者孟子逃墨必歸於楊逃楊必歸於儒法言君子篇通天地人曰儒漢書司馬相如傳列隱之儒顏注儒柔也術士之稱也凡有道術皆為儒風俗通儒者區也言其區別古今居則敬聖哲之詞動則行典籍之道稽先王之制立當時之事此通儒也若能納而不能出能言而不能行講誦而已無能往來此俗儒也晉書范宣傳庾爰之問宣曰君博學通綜何以太儒宣曰漢興貴經術至於石渠之論實以儒為獎正始以來世尚老莊逮晉之初競以裸程為高僕誠太儒然立不與易羣輔錄八儒云夫子沒後散於天下設於中國成百氏之源為綱紀之儒居環堵之室華門圭竇瓊牖樞併日而會以道自居者有道之儒子思氏之所行也衣冠中動作順大讓如慢小讓如偽者子張氏之所行也顏氏傳詩為道為諷諫之儒孟氏傳書為道為疏通致遠之儒漆雕氏傳禮為道為恭儉莊敬之儒仲梁氏傳樂為道以和陰陽為移風易俗之儒樂正氏傳春秋為道為屬辭比事之儒公孫氏傳易為道為潔淨

精微之儒

後

才過千人也從人交聲

子峻切

集韻庸人之敏謂之俊堯典克明俊德鄭注俊德賢才兼人者月令命太尉贊傑俊注云傑俊能者也王制司徒論選士之秀者而升之學曰俊士孟子俊傑在位注云俊美才出眾者也萬人者稱傑申鑒力稱易獲捷言羌亥勇期資育聖云仲尼壽稱彭祖物有俊傑不可誣也謝承後漢書詔遣八使巡行風俗皆選有威名者同日而拜號曰八俊後漢書黨錮傳俊者言人之英也詩羔裘三英粲兮傳云三英三德也箋以為剛克柔克正直書立政曰三有俊傳云能用剛柔正直三德之俊與毛鄭義同

才過千人也者集韻引作才千人也本書初印本亦作才千人後加過字小字本李燾本竝作材本書材十人也廣韻智過千人曰儁書皋陶謨俊又任官鄭注才德過千人為俊百人為又文子智過百人謂之傑十人謂之豪萬人謂之英千人謂之俊楚詞九章誹俊疑傑兮王注千人為俊呂氏春秋孟夏紀命太尉贊傑備注云千人為俊萬人為傑孟秋紀練桀傳注云才過萬人曰桀千人曰雋淮南泰族訓故智過萬人者謂之英千人者謂之俊百人者謂之豪十人者謂之傑明於天道察於地理通於人情大足以容眾德足以懷遠信足以一異智足以知變者人

之英也德足以教化行足以隱義仁足以得眾明足以照
人者人之俊也行足以爲儀表知足以決嫌疑廉足以分
財信可使守約作事可法出言可道者人之豪也守職而
不廢處義而不比見難不苟免見財不苟得者人之傑也
春秋繁露故萬人者曰英千人者曰俊百人者曰傑十人
者曰豪一切經音義八智出千人曰傑謂英傑也詩汾沮
洳美如英傳云萬人爲英宣十五年左傳鄭舒有三雋才
注云雋絕異也正義引辨名記倍人曰戎顯作十人曰選
倍選曰雋千人曰英倍英曰賢萬人曰傑倍傑曰聖齊策
小國英傑之士高云才勝萬人曰英千人曰傑王注楚詞
大招云一國之高爲傑又云千人才曰豪萬人才曰傑傑
一本作俊鶚冠子博選篇故德萬人才者謂之雋德千人才
謂之豪德百人者謂之英陸佃注毛詩傳曰萬人曰英記
曰五人曰茂十人曰選百人曰俊千人曰英今此又以萬
人曰俊百人曰英蓋莫可考矣呂氏春秋功名篇人主賢
則豪傑歸之注云才過百人曰豪千人曰傑周書蘇綽傳
古人云千人之秀曰英萬人之英曰雋

傑

傲也從人桀聲

渠列切

傲也者徐鍇本作執也林過萬人也馥案傑執義相近詩周頌有厭其傑傳云傑苗之先長者荀子非相篇天下之傑也注云倍萬人曰傑儒效篇其通也英傑化之注云倍千人曰英倍萬人曰傑

俾

人姓從人軍聲

吾昆切

伋

人名從人及聲

居立切

人名者玉篇孔鯉子名伋字子思史記仲尼弟子列傳燕伋字思左傳衛宣公太子急詩二子乘舟序作伋

亢

人名從人亢聲論語有陳亢

苦浪切

論語有陳亢者論語作亢鄭注子禽弟子陳亢也檀弓作陳子亢注云子亢子車弟孔子弟子

伯

長也從人白聲

博陌切

長也者釋詁文舍人曰伯位之長也禮檀弓幼名冠字五十以伯仲周道也白虎通伯者長也伯者子最長迫近父也釋名伯把也把持家政也

靈石楊氏棐

時伊尹為太保衡方碑有伊尹在殷之世號稱阿衡因而氏焉又衡立碑其先出自伊尹阿衡官有為氏通鑑唐僖宗呼田令孜為阿父注云阿係也本書尹治也釋言尹正也春秋繁露湯受命變夏作殷作宮於下洛之陽名官曰尹史記殷本紀伊尹名阿衡索隱云孫子兵書伊尹名摯然解者以阿衡為官名呂氏春秋云有仇氏女採得嬰兒於空桑後居伊水命曰伊尹尹正也謂湯使之正天下



古文伊從古文夊

本書夊古

文作夊



高辛氏之子堯司徒殷之先從人契聲

私列切

本書竊下云禹古文契與蟲也讀與契同五經文字殷始祖經典多借契字為之與禹同

高辛氏之子者本書城帝高辛之妃偃母號也引詩有城方將殷本紀殷契母曰簡狄有城氏之女為帝嚳次妃三人行浴見玄鳥墮其卵簡狄取吞之因孕生契堯司徒者書舜典帝曰契百姓不親五品不遜汝作司徒史記司

馬相如傳契不能計正義曰契為司徒敷五教上四方會

情

人字從人青聲東齊壻謂之倩

倉見切

人字也者漢人猶多以倩為字如江充字次倩蕭望之字

長倩東方朔字曼倩
公傳黃氏諸倩徐
廣曰倩者女壻也

婦

婦官也從人予聲

以諸切

婦官也者漢書元后傳立太孫為太子以母王妃為婕妤
昭帝紀母曰趙婕妤顏注婕妤幸也予美稱也故以名宮
中婦官外戚傳至武帝制婕妤嬪娥俗華充依各有爵位
婕妤視上卿比列侯石林燕語婕妤好史記索隱訓婕為承
好為佐字本皆從人大抵古人取訓各以其義適然者而
字多從省蓋捷也乃相承敏捷之意字從省去才仔為
相子則訓佐理亦宜然後
以為婦職因易人為女目

志

志及眾也從人公聲

職音切

志及眾也者通作公諡法立志及眾曰公
禮運大道之行天下為公注云公猶共也

僂

慧也從人叕聲

許緣切

慧也者方言文注云謂慧了本書慧僂也譚譚慧也荀子
非相篇鄉曲之僂子楊倞注輕薄巧慧之子也韓非忠孝
篇今民僂謂智慧南都賦僂才
齊敏王臣注僂惠也惠即慧

淡

安也從人炎聲讀若談

徒甘切

安也者一切經音義九引同廣雅俟靜也荀子仲尼篇俟
然見管仲之能足以託國也楊注俟安也安然不疑也
讀若談者東京賦剡韞即詩
覃韞俟剡談覃聲並相近

俟或從剡

倝

疾也從人句聲

辭閏切

疾也者書秦誓王乃徇師而誓傳云徇循也正義云說文
云徇疾也循行也徇是疾行之意故以徇為循也韻案徇

卽此何據經傳義當作徇或作迥定四年公羊傳朋友相
衛而不相迥注云迥出表辭猶先也疏云表謂其戰時旅
進旅退之限約迥者謂不
顧步伍勉力先往之意

俗

不安也從人容聲一曰華

余隨切

不安也者本書格動格也廣韻格不安又云崩格不安
一口華者玉篇俗華婦官名史記外戚世家容華秩比二
千石漢書外戚傳至武帝制使仔姪娥俗華充依各有爵
位俗華視真二千石比太上造通作容魏志后妃傳太祖
建國始命王后其下五等有夫人
有昭儀有婕妤有容華有美人

儻

宋衛之閒謂華儻儻從人葉聲

與涉切

宋衛之閒謂華儻儻者廣韻儻儻輕薄美好
貌廣雅儻儻容也方言儻容也未術曰儻

佳

善也從人圭聲

古朕切

善也者廣雅同又云好也玉篇引楚詞斯佳冶之芬芳今
大招始脩沔浩麗以佳只淮南脩務訓形夸骨佳揚雄反

駭聞中容競綽約
分想態以麗佳

何

奇佻非常也從人亥聲

古哀切

奇佻非常也者字或作亥淮南兵畧訓明於星辰日月之
逆制德奇養之數背鄉左右之便此戰之助也注云奇養
之數奇祕之數非常術通作咳史記倉公傳受其脈書上
下經五色診奇咳注云奇咳言奇祕非常術也又通作肱
漢書藝文志五行家有五音奇肱用兵
二十三卷五音奇肱制德二十一卷

傀

偉也從人鬼聲周禮曰大傀異

公回切

偉也者李善注江賦引同莊子列御寇篇達生之情者傀
釋文字林云傀偉也或借魁字廣雅魁大也又云魁岸雄
傑也荀子脩身篇倚魁之行非不難也楊倞注倚奇也魁
大也倚魁謂偏僻僻狂怪之行
司樂文彼作大傀異
裁徐鍇本有災字

瑰

傀或從玉裏聲

方音作僂云僂盛也僂自闢而西秦晉之閒語也王篇云僂聲類僂字或通作塊史記司馬相如傳假僂塊琦

偉

奇也從人韋聲

明于鬼

奇也者李善注魏都賦引作人也廣雅偉大也周禮大卜
簡夢杜子春云簡讀為奇偉之奇史記魯仲連傳好奇偉
假僂之
畫策

份

文質備也從人分聲論語曰文質份份

切府巾

文質備也者文質當為彰嘖本書彰猷也嘖野人之言備
當為荀本書荀具也廣雅彬文也揚雄甘泉賦望馬犀之
麟嘖馥謂卽璘彬張衡西京賦璘璘璘璘通作邠太元文
大因斐如邠如虎豹文如或作斌魏太和初公卿奏言夫
歌以詠德舞以象事於文文武為斌臣等謹製樂舞名曰
章斌之武
論語曰文質份份者彼作彬彬包注彬彬文
質相半
之貌

彬

古文份從彡林林者從樊省聲

武彬彰

儻

好兒從人資聲

力小切

好兒者詩佼人儻今傳云佼好貌
通作燎宋玉舞賦貌燎妙以妖冶

威儀

威儀也從人必聲詩曰威儀必必

毗必切

威儀也者廣韻必威儀備也詩淇奥有斐君子韓詩作邶
美貌韻謂邶即此必詩曰威儀必必者小雅賓之初筵

文彼作必必釋
文云說文作必

具

具也從人彳聲讀若汝南潯水虞書曰方鳩僇功

士

切

具也者李善注魏都賦引同讀若汝南潯水者本書無

引書後人所加非許氏本文

引書後人所加非許氏本文

後案述下引書旁述居功

𠂔

長壯儼儼也從人𠂔聲春秋傳曰長儼者相之

良涉切

長壯儼儼也者壯廣韻引作狀廣雅儼長也春秋傳曰長儼者相之者昭七年左傳文彼作長儼者相注云儼須也楚語而使長儼之上相焉韋云長儼美須髯也昭十七年傳使長儼者三人潛伏於舟側注云長儼多髯鬚複案傳借儼字說者望文為義不見古本也

儼

行兒從人鹿聲詩曰行人儼儼

甫嬌切

行兒者詩釋文引同廣雅儼儼行也詩吉日儼儼侯侯傳云趨則儼儼行則俛俛通作庶趙宦光曰鄭風駟介庶庶當用儼詩曰行人儼儼者齊風載驅文傳云儼儼衆貌

儼

行有節也從人難聲詩曰佩玉之儼

諾何切

詩曰佩玉之儼者衛風竹竿文傳云儼行有節度

倭

順兒從人委聲詩曰周道倭遲

於為切

估

正也從人吉聲詩曰既估且閑

三切

詩曰既估且閑者小雅六月文傳云估正也

保

大也從人吳聲詩曰碩人候候

魚禹切

詩曰碩人候候者鄭風簡兮文傳云候候容貌大也

江

大腹也從人工聲讀若紅

戶工切

大腹也者本書唯鳥肥大理唯也唯唯當爲仁仁廣韻仁身肥大也

憊

疾也從人單聲周禮曰句兵欲無憊

徒案切

周禮曰句兵欲無憊者考工記臨人文彼作彈注云故書彈或作但鄭司農云但讀爲彈丸之彈彈謂掉也

健

伉也從人建聲

梁建切

伉也者一切經音義六引字林偁健也本書伉健大也廣雅伉健也易乾健也天行健君子以自強不息淮南齊俗

訓仇行以違俗

倨

驕也從人京聲

切

驕也者廣雅同本書勦驕也通作競詩秉心無競無競維人

倨

倨也從人敖聲

切

倨也者本書變易也寡嫗也廣韻倨下云倨傲字書倨倨且陽也一切經音義三倨謂不敬也廣雅倨陽也倨也字從人釋言倨傲也郭云倨慢也書堯典象倨傳云傲慢不友益稷無若月朱傲曲禮傲不可長文九年左傳楚子越椒來聘執幣倨傲杜云傲不敬賈二十九年傳直而不倨杜云倨倨傲成十四年傳衛侯響苦成叔甯惠子相苦成叔傲甯子曰苦成家其亡乎古之為享食也以觀威儀省禍福也今夫子傲取禍之道也昭十五年傳公徒釋甲執冰而踞正義云二十七年傳說此事云豈其伐人而說甲執冰以游則此踞是游也曲禮曰游無倨倨是慢也謂倨傲而游戲積案木書數出游也呂氏春秋下賢篇貴為天子而不驕倨注云倨倨也或作傲後漢書崔駰

傳生而貴者傲

𠂔

勇壯也從人乞聲周書曰𠂔𠂔勇夫魚託切

然從乎趙盾而入何云𠂔然壯勇說漢書揚雄傳金人𠂔𠂔其承鐘虞今顏注𠂔𠂔勇健狀靈光殿賦𠂔𠂔以雕之用鈍器也勞筋骨終日𠂔𠂔如淳曰𠂔𠂔健生視周書曰𠂔𠂔勇夫者秦誓文傳云𠂔𠂔壯勇之夫漢書李尋傳秦穆公任𠂔𠂔之勇顏注𠂔𠂔壯健也

𠂔

不遜也從人居聲居御切

𠂔

昂頭也從人嚴聲一曰好兒魚儉切

不遜也者遜當為遜戰國策嫂何前𠂔而後恭也大戴禮曾子立事篇與其𠂔也寧句虛辯注𠂔𠂔慢也史記蔡澤傳及見之又𠂔𠂔生傳不宜𠂔見長者通作居漢書邳都傳丞相條侯至貴居也顏注居怠傲讀與𠂔同

說文解字義說卷二十四

圭

通多義書

昂頭也者當為印淮南本經訓盤紆刻儼高注刻儼浮首
虎頭之屬一曰好兒者韻會引徐鍇木下有一曰恭也
四字釋詁儼敬也曲禮儼若思詩澤陂碩大且儼傳云儼
矜莊貌通作嚴書無逸嚴恭寅畏釋文馬本作儼漢書匡
衡傳正躬嚴恪

𠂔

好兒從人參聲

倉含切

𠂔

聊也從人里聲

良止切

聊也者班馬字類引作賴也廣雅𠂔聊也又云賴也聊且
也聊當作𠂔本書𠂔且也通行聊字方言𠂔聊也注云謂
苟且也急就篇謾詆首匡愁勿聊顏注勿聊無聊賴也秦
策百姓不聊生高云聊賴楚詞歲暮兮不自聊漢書季布
傳其畫無𠂔之至耳晉灼曰計畫無所聊賴
通作理孟子稽大不理於口趙注理賴也

𠂔

大兒從人半聲

薄滿切

大兒者詩卷阿伴奭爾游矣傳云伴奭廣大有
文章也通作𠂔大學心廣體胖注云胖猶大也

陸

大也從人奄聲

於業切

大也者廣雅同

憊

武兒從人閒聲詩曰瑟兮憊兮

下簡切

武兒者荀子榮辱篇陋者俄且憊也注云憊與閑同猛也方言晉魏之閒謂猛為憊昭十八年左傳今執事憊然授兵登陴服注憊然猛貌也詩曰瑟兮憊兮者衛風洪興文傳云憊廣大也韓詩云憊美貌皆非本書義

伋

有力也從人丕聲詩曰以車伋伋

數悲切

有力也者徐鍇曰魯有力人曰秦董父好勇名其子曰丕茲取此義詩曰以車伋伋者魯頌駟文傳云伋伋有力也

憊

彊力也從人思聲詩曰其人美且偲

台才切

強力也者詩釋文引作彊也廣韻偲多才也詩曰其人美且偲者齊風盧令文傳云偲才也

倬

倬大也從人卓聲詩曰倬彼雲漢

竹角切

著大也者詩釋文引作大也詩倬彼甫田韓詩作到云卓也木書到下云艸大也爾雅蒨大也詩韓奕有倬其道箋云倬然著明桑柔倬彼昊天箋云倬明大貌詩曰倬彼雲漢者大雅棫樸雲漢並有此文棫樸傳云倬大也雲漢釋文云倬王云著也

倬

倬兒一曰倬地一曰代也從人廷聲

他鼎切

長兒者廣韻倬倬直也通俗文平直曰倬韓詩偁樂倬也一曰倬地者吾鄉謂倒地臥為倬一曰代也者方言倬代也江淮陳楚之間曰倬廣雅倬代也

倬

倬也從人勛聲讀若陪位

步崩切

輔也者謂勛比羣輔也釋詁比備也郭注備猶輔易比卦彖比輔也論語君子周而不比鄭注阿黨為比管子幼官篇練之以散羣勛署注云勛猶曹也讀若陪位者木書勛讀若陪

𠄎

熾盛也從人扇聲詩曰監妻𠄎方處

式戰切

熾盛也者𠄎通作煽釋言煽熾也熾盛也又通作扇列子黃帝篇扇赫百里詩曰監妻𠄎方處者小雅十月之交文彼作煽傳云煽熾也釋文煽說文作𠄎

𠄎

戒也從人敬聲春秋傳曰儆宮

居影切

戒也者廣雅同易震驚百里鄭注驚之言儆戒也書大禹謨儆戒無虞又云洛水儆子傳云儆戒也詩柏舟耿耿不寐傳云耿耿猶散散也韻案耿耿警警不安也成十六年左傳申宮儆備杜注申飭宮備又云退舍於夫渠不儆杜注不儆備昭十九年傳商成公儆司宮哀九年傳吳子使來儆師伐齊魯語夜儆百工韋注儆戒也韓策乃儆公仲之行鮑注儆戒備春秋傳

曰儆宮者襄九年左傳文

𠄎

善也從人叔聲詩曰令終有儆一日始也

目六切

善也者通作淑詩關雎窈窕淑女韓奕淑旂綬章傳並云淑善也抑淑慎爾止箋云善慎女之容止君子偕老子之

通鑑纂要卷之七

不淑箋云爲不善之行燕燕淑慎其身鴈鵲淑淑人君子中
谷有推遇人之不淑矣桑柔其何能淑鼓鐘淑淑人君子中
水淑問如皋陶箋竝云淑善也雜記寡君使某如何不淑
注云淑善也詩曰令終有淑者大雅既醉文傳云淑始
也一曰始也者釋詁文本書淑始也書允征淑擾天紀
傳云淑始也詩載其淑淑淑淑淑淑淑淑淑淑淑淑淑淑
注云始獻四時新物無常數也隱元年公羊
傳似甚也何注似始怒也穀梁似字元始

庸

均直也從人庸聲

余封切

均直也者王篇庸均也直也釋言庸均也詩節南山吳天
不庸傳云庸均柏舟釋文引韓詩直相當值也史記高漸
離乃變姓名爲人庸係纓布傳窮困貨庸於齊爲酒家係
注云酒家作係庸係也鶚冠子伊尹酒係立爲世師史係盧
昭美係爲酒家係後漢書杜根爲宜城山中酒家係注云
言爲庸也後周書樂運積年爲人庸係通作庸齊策爲莒
太史家庸夫鮑注庸係同均直也
史記司馬相如傳與係庸雜作

儻

仿佛也從人愛聲詩曰優而不見

烏代切

相似也從人方聲妃切
相似也者一切經音義二仿佛古文作𠂔𠂔聲類作𠂔𠂔謂相似見不諦也韻案或作彷彿賈誼早雲賦時彷彿而

籀文仿從丙

易林仍如旦饑
言仿佛似朝饑

佛

見不審也從人弗聲

敷勿切

見不審也者李善注西京賦引作見不諦也注長門賦引作見不諦也又云諦與諦同注甘泉賦云仿佛相似視不諦也諦卽諦字音帝徐鍇本作諦銘曰

諦諦也漢書敘傳學微術昧或見仿佛

倅

聲也從人忝聲讀若肩

私列切

聲也者釋言文王篇倅小聲也廣韻倅俯動也又云動草聲倅謂忝與義取此讀若肩者字書倅與俯同爾雅釋文倅音肩字又作俯倅案漢書武帝紀肩然如有聞郭璞說斯倅切切作聲卽肩肩本書肩動作切切也

幾

精謹也從人幾聲明堂月令歲將幾終

巨衣切

精謹也者玉篇幾精詳也通作幾周禮幾其出入又曰幾出入不物者又曰幾酒謹酒聘義曰幾中而後禮成明堂月令歲將幾終者歲玉篇作數徐鍇本亦作數集韻類篇引同周禮占步亦同月令季冬之月日窮於次月窮於

紀星回於天數將歲終周書小開武解九紀一辰以紀日
二術以紀月三日以紀德四月以紀刑五春以紀生六夏
以紀長七秋以紀殺八冬以紀藏九成以紀終

仲

負何也從人它聲

徒何

負何也者六書故背負曰佗何奴奇畜有橐佗肩背有肉
峯隆起若橐能佗重載故以名之方音自關而西隴冀以
往凡以驢馬駝載物者謂之負佗高注戰國策趙代良
馬橐佗通作它新唐書裴仙先傳以橐它載金幣賓客或
作駝駝外國圖大秦國人
長一大五尺好騎駝駝

何

脩也從人可聲

胡歌

脩也者一切經音義十四引何又云穀梁傳曰何負也今
皆作荷玉篇何克負也廣雅何任也又云擔也小爾雅廣
言何任也又云脩也易大畜何天之衢梁武帝詩荷云負
也鄭注艮為手手上肩乾為首首肩之閒何物處嗟嗟何
校誠耳荷爽曰為五所何故曰何校孔穎達曰何謂擔何
詩無羊何蓑何笠候人何戈與殿傳並云何揭元鳥百祿
見七

是何傳云何任也箋云謂當僭負天之多福靈后揚氏某
鞅掌箋云鞅猶何也掌謂捧之也負何捧持以趨走漢書
外戚傳何性命之淑靈顏注何任也負也通作荷釋天何
鼓謂之牽牛郭云今荆楚人呼牽牛星為繫者繫者荷也
古今人表何贊論語作荷詩清人傳云重喬累荷也昭七
年左傳其子弗克負荷杜注荷擔也昭二十一年傳廟人
濮以裳裹首而荷以走宣六年
公羊傳有人荷畜注云荷負也

僭

何也從人詹聲

都甘切

何也者本書僭何也玉篇僭任也何也齊語負任僭何卓
云肯曰負肩曰僭漢書敘傳僭后之畜刪通傳守僭后之
祿顏注詹者一人之所負詹也世說令婢路上僭負或作
擔釋名詹任也任力所勝也莊二十二年左傳弛於負詹

設

設也從人共聲一曰供給

俱容切

設也者玉篇設置也賈誼書平素而無設儲也後漢章帝
紀無得設儲時本書具共置也共當作供釋詁供具也
一曰供給者本書龔給也釋名恭亦言供給事人也書無
逸文王不敢盤于游田以庶邦惟正之供曲禮供給鬼神

檀弓賈宰夫也非刀匕是供僖元年左傳敢不供給秦策
寡人之國貧恐不能給也高云給供通作共書舜典汝共
工傳云共謂共其職事隱九年左傳宋公
不王杜注不共王職釋文共亦作供

待也從人從待直里切

待也者一切經音義十二引作待也儲待具也又十三引
作儲待具也亦待也李善注曹子建贈丁翼詩引作待也
一曰具也按王篇待待也具也廣韻待待儲也具也漢書
平帝紀天下吏舍亡得置什器儲待孫寶傳更爲除舍設
儲待外戚傳主見所備美人顏注儲待儲待也周語荀而畜
獨韋云待具也齊策今君到楚而受梁牀所未至之國將
何以待君高云云待猶共也獻帝紀我邸國儲待少羽獵
賦器械儲待論衡祀義篇鬼神自有儲待耶將以人舍爲
儲飽也風俗通今語有亭待益行旅宿食之所館也漢張
壽碑儲待非法悉無所留宋書禮志江左御出又載儲待
之物通鑑蕭衍既行舟中兵及儲待皆虛注云積物以待
用謂之待通作待釋時具也舍人本作待書費誓時乃
糗糧傳云皆當儲待東觀漢記俗每太守將交代添設儲
峙輒數十萬北史于翼傳武帝既親萬機將圖東討詔邊

城鎮益儲峙又作時崔寔政論吾乃賣儲峙得二十餘萬又通作序詩臣工序乃錢鏐傳云序具也鄭注考工記

引詩作峙

峙

侍也從人諸聲

直魚切

侍也者一切經音義三引同人云儲峙也儲亦備也謂畜物以為備口儲也釋名挑諸藏挑也諸儲也藏以為儲待給冬月用之也漢書五行志儲正徒顏注儲峙也西都賦行止朝夕儲不改供五臣云朝夕行止不改易其儲蓄供具也

備

慎也從人葡聲

平祕切

慎也者書說命有備無患倍五年左傳凡分至啟閉必書雲物為備故也

降

古文

位

列中庭之左右謂之位從人立

于備切

列中庭之左右謂之位者釋
宮文郭云羣臣之側位也

賓導也從人賓聲必刃切

儀禮鄉爲上賓注云賓爲主國之君所使出接賓也周禮
大宗伯朝覲會同則爲上相注云相詔王禮也出接賓曰賓
人詔禮曰相又云王命諸侯則領注云領進之也司儀掌九
儀之賓客摺相之禮注云出接賓曰摺入贊禮曰相家語
弟子行篇賓相兩君之事東觀漢記大鴻臚屬官有治禮
郎三十七人主齋祠賓贊九賓之禮漢雜事陳留太守入
爲鴻臚不任領贊還官齊職儀魏侍中掌領贊

導也者廣雅同通作賓書堯典寅賓出日徐邈讀爲賓史
記作敬道出日辭典賓于四門鄭注賓讀爲賓謂舜爲上
賓以迎諸侯漢書律歷志撰賓之導也言陽氣始導陰氣
始養物也武君億曰禮運昔者仲尼與於蜡賓舊讀從賓
字絕句攷此宜作與於蜡爲讀賓而退連讀以助祭既畢
遂退也賓當作領鄭注時孔子士魯在助祭之中既云助
祭則常爲相禮也

攢

儻或從手

倜

倜倜也從人屋聲

於角切

倜倜也者李燾本作倜也類篇引同本書初印亦如此後乃加之本書峻倜倜也韻會坡音詮

倜

倜倜仙人也從人全聲

此緣切

倜倜仙人也者史記司馬相如傳倜倜之倫索隱韋昭云古仙人姓倜列仙傳云槐里采藥父也倉松形體生毛數寸方眼能行逮走馬也顏注漢書引郭璞曰倜倜仙人也倉松子而眼方甘泉賦雖方征僑與倜倜兮五臣注古仙人名張繼南征賦偶南榮之倜倜抱朴子擇滯篇唐堯之有四海可謂太平也而倜倜不佐焉

倜

心服也從人聃聲

商涉切

心服也者本書倜服也

倜

約也從人勺聲

徒歷切

約也者約或作約釋天忝星爲約約御覽七十二說文確水上橫木所以渡也亦曰約今謂之畧行廣韻約橫木渡

齊

等輩也從人齊聲春秋傳曰吾儕小人

仕皆切

等輩也者一切經音義一字林儕等也儕猶輩類也成二年左傳況吾儕乎僖二十三年傳晉郤同儕杜注云僨等也樂記故先王之喜怒各得其儕焉注云僨猶輩類春秋傳曰吾儕小人者宣十一年左傳文

倫

輩也從人侖聲一曰道也

力屯切

輩也者急就篇名顯絕殊異等倫曲禮疑人必於其倫衛策勝黃城則功大名美內臨其倫鮑云臨其等倫之人漢書甘延壽傳投石超距絕於等倫一曰道也者本書倫下云侖理也祭統夫祭有十倫焉

侖

齊等也從人牟聲

莫浮切

齊等也者字林同廣雅侖齊也中山叢刊侖名於我高云侖等沈約詩昔賢侖時雨

借

彊也從人皆聲詩曰借借士子一曰俱也

古韻切

詩曰借借士子者小雅北山文傳云借借強壯貌一曰俱也者詩陟岵夙夜必借擊鼓與子借老傳竝云借俱也杜杜下衆借止箋云借俱莊七年左傳星隕如雨與雨借也借二十四年左傳與女借隱杜注竝云借俱也孟子古之人與民借樂

注云借俱也

借

借也從人具聲

舉朱切

借也者本書旅下云以俱也案從隨行也齊策衍吾嘗也而僕與之俱高云俱借也

借

最也從人贊聲

作管切

最也者本書最又曰會廣韻借聚也集韻聚而計事曰最通作纂漢書藝文志揚雄作訓纂篇又通作攢潘岳笙賦歌聚下之纂纂李善注引古咄咄歌聚下何攢攢攢聚貌

借

竝也從人并聲

卑正切

竝也者本書竝併也大射儀下射升上射出竝行注云竝併也通作井釋名井者像井也王制輕任井重任分釋文并本又作併春秋上命苞井之爲言精合交并太康地記并州不以衛水爲號不以恆山爲稱而云并者蓋以兩國之閒乎

傳

相也從人算聲

方遇切

相也者廣韻傳相也玉篇太傅太保相天子也大戴禮係傳篇傳傳之德義倍二十八年左傳鄭伯傳王杜云傳相也復案漢諸王有傳有相

傳

惕也從人式聲春秋國語曰於其心忒然

恥力切

惕也者廣雅忒愆也玉篇愆心動也春秋國語曰於其心忒然者吳語文彼作賊玉篇引作忒云忒猶惕也

輔

輔也從人甫聲讀若撫

芳武切

輔也者碑若同釋詁輔輔也郭云輔猶輔也復謂輔當爲誦本書誦人相助也

倚 依也從人奇聲於綺切

依也者韻集倚臣也集韻臣倚也禮器有司跛倚以臨祭注云依物為倚秦策北倚河高云倚猶依也

倚 倚也從人衣聲於稀切

倚也者書君陳毋依勢作威毋倚法以削論語依於仁何晏曰依倚學記不學博依不能安詩正義謂依倚譬喻也宋玉招魂彷彿無所倚王注倚依也

因 因也從人乃聲如乘切

因也者釋詁文類篇仍說文因也關中語本書仍因也書顧命華玉仍凡傳云仍因也周禮司几筵因事仍几鄭司農云仍因也論語仍舊貫鄭注仍因也

便 便利也從人次聲詩曰挾拾既飲一曰遞也七四切

便利也者漢書宣帝紀應募飲飛射士服虔曰周時渡江越人在船下負船將覆之伏飛入水殺之漢因以村力名

官如淳曰呂氏春秋荆有茲非得寶劍於王將渡江中流
兩蛟繞舟茲非拔寶劍赴江刺兩蛟殺之荆王問之任以
執主後世以為勇力之官茲伏音相近臣瓚曰本秦左弋
官也武帝改曰伏飛在上林苑中結罽繳以弋鳬雁故曰
以供祀宗廟許慎曰伏便利也便利射鳬雁漢書百官公卿表武
帝太初元年更名左弋為伏飛伏飛掌弋射詩曰決拾
既伏者小雅車攻文傳云伏利也一日遞也者廣雅伏
今俗亦名更代作為忿代也郭云

𠂔

𠂔也從人巨聲

仍吏切

𠂔也者徐鍇本作次也廣韻何大也釋言何貳也郭云何
次為副貳司馬遷報任安書僕又何之獄室如淳曰何次
也若人相次也腹案本
書訓伏取更遞副貳意

𠂔

𠂔也從人止聲

子果切

伏也者廣雅健疾也方言朱楚之閒謂之健注
云言便健也通作捷漢書東方朔傳捷若慶忌

侍

承也從人寺聲

時吏切

釋名侍時也尊者不言常於時供所當進者也孝經曾子侍釋文卑在尊者之側曰侍詩百兩御之王肅云御侍也

承也者廣雅同徐錯曰承其不及也故傳曰孔子有云言

語不修子貢侍節小失公西華侍是也復案史記魏世家公仲連進牛畜荀欣徐越畜侍以仁義

傾

仄也從人從頃頃亦聲

去營切

仄也者仄當為失本書失頃頭也玉藻頭容直注云不傾

則傾冠見矣

側

旁也從人則聲

阻力切

書洪範無反無側曲禮倒筴側龜於君前有誅注云側反

側也

詩召南在南山之側史記平準書公卿請令京師

鑄鍾官

亦側

易也者廣雅同曲禮傾期姦注云辟頭旁視心不正也傾或為側韻案側通作仄漢書五行志載董仲舒災異對云視近臣在國中處劾仄及貴而不正者忍而誅之

𡗗

安也從人安聲

切 易寒

安也者當為晏本書晏安也經典通作安禮表記君子莊敬曰強安肆日偷閔元年左傳宴安酖毒信二十三年傳懷與安實敗名漢書人表齊晏孺子顏云即安孺子

𡗗

靜也從人血聲詩曰閔宮有恤

切 況逼

靜也者書經典惟問之恤哉史記作靜集解引書作謐本詩曰閔宮有恤者魯頌閔宮文傳云恤清靜也韻案靜當作靖通行靜字

𡗗

與也從寸持物對人

切 方遇

與也者當為与或為予廣雅付予也玉篇書云皇天既付付与也通作孚書高宗彤日天既孚命正厥德唐經作付

靈石楊氏保

漢書孔光傳引作付釋之曰民不順德天既付命罰之從寸持物對人者當云從又持物對人又手也又下一畫即物也韻會小補引徐錯曰又手也會意

俾

使也從人卑聲

切

使也者讀如使酒之使詩桑柔荜云不逮傳云荜使也小必莫子荜蜂爾雅作卑集韻縹絳使也本書俾使也終使也徐錯本作俾也篇曰任俠也類篇亦引作俾集韻同本書粵俠也三輔謂輕財者為粵俠俾也廣雅粵俠也

俠

俾也從人夾聲

切

俠也者史記季布傳為氣任俠集解俠俾也

儻

儻何也從人亼聲

徒干切

儻何也者增韻引作態也廣韻儻態也韻謂增韻本引廣韻誤儒說文

佚

行兒從人先聲

所臻切

行兒者一切經音義七引作伉伉往來行兒也玉篇伉往來伉伉行替詩云伉伉征夫也馥案詩作賦賦音萃孟子伊尹耕於有莘之野莘伉替相近伊尹之母呂氏春秋云有伉氏女是也楚詞招魂往來伉伉些注云伉伉行替也通作姚上林賦嬈姚嬈嬈

𠂔

舉也從人從印

魚兩切

易繫辭仰以觀於天文樂記執其千戚習其俯仰詡伸容貌得莊焉

舉也音廣雅同

𠂔

立也從人豆聲讀若樹

常句切

立也者倝玉篇作倝別有倝字云倝倝輕薄也廣韻倝與封同無倝字讀若樹者當為封本書封立也讀若駐

𠂔

倝兒從人累聲一曰嬾解

諸狠切

荀子不苟篇窮則弁而倝韓詩外傳作弁而累馥案倝卽此倝累累隸通猶濕水作濕水

求見者老子王弼本儼儼兮若無所歸河上公本作垂垂兮 一曰嬾解者徐錯本作嬾懈王篇引同廣雅儼嬾也又云儼儼疲也廣韻儼極困也釋言謹諉累也列子力命篇眠寢謹諉勇敢怯疑四人相與游於世注云謹諉煩重貌

𡗗

安也從人丕聲

則臥切

安也者性通作坐樂府詩丈人且安坐

𡗗

揚也從人再聲

處陵切

揚也者廣韻備宣揚美事通作稱禮祭統銘者自名以稱揚其先祖之美詩七月稱彼兕觥稱觥與揚解意同漢書季布傳使僕游揚足下名於天下

伍

相參伍也從人從五

疑古切

桓五年左傳先偏後伍杜云五人為伍 司馬法五人為伍六韜田里相伍 周禮小宰八成一曰聽政以比居先鄭

云比居謂伍籍也比地爲伍因內政寄軍令以伍籍發軍起
役者平而無遺脫也孫子謀攻篇全伍爲上破伍次之又
兵勢篇凡治衆如治寡分數是也注云部曲爲分什伍爲數
而將尉繚子故五人而伍十人而什百人而卒千人而率萬人
度地篇管子立政篇十家爲什五家爲伍什伍皆有長焉又
口數腹案周禮小司徒及三年則闕其民案家人比地定什伍
吏簡閱民數及其財物也鄭司農云五家爲比注云大比謂使天下
月案比是也漢書大聚解五戶爲伍以首爲長十夫爲什
以年爲長史記白起傳於是免武安君爲士伍堅其行陣
連其什伍史記白起傳於是免武安君爲士伍堅其行陣
問對太宗曰伍家法有數法執者是免武安君爲士伍堅其行陣
云先偏後伍又司馬法曰五人之爲伍尉繚子曰臣案春秋左氏傳
有尺籍伍符後世符籍以紙爲之於是失其制矣臣酌其法
自五人而變爲二十五人自二十五人之制也舍車而變爲七十五人此
則步卒七十二人甲士三人之制也舍車而變爲七十五人此
常八焉此則五兵五當之制也是則諸家兵法唯伍法爲要
小列之五人大列之二十五人參列之七十五人又總參其
數得二百七十五人三百人爲正六十人爲奇此則百五十
人分爲二正而三十人分爲二奇蓋左右等也穰苴所謂五
說文解字彙登

人爲伍十伍爲隊至今因之此其要也
家而井田方里爲一井廣三百步長三百步爲一里共田九
百畝廣一步長百步爲一畝廣百步長百步爲百畝八家爲
鄰家得百畝餘夫各得二十五畝家爲公田十畝餘二十畝
共爲廬舍各得二畝半八家相保出入更守疾病相憂患難
相救有無相貸飲食相召嫁娶相謀漁獵分得仁恩施行是
以其民和親而相好詩曰中田有廬疆場有瓜分或不然合
民相伍有罪相伺有制相舉使構造怨仇而民相殘傷和睦
之心賊仁恩害士化所和者寡欲敗者多
於仁道混焉詩曰其何能淑載胥及溺

相參伍也者增損參伍三相參伍爲伍易繫辭
參伍以變正義參三也伍五也或三或五以相參合以相
改變昭元年左傳五乘爲三伍杜云乘車者車三人五乘
十五人以五人爲伍分爲三伍韓非子參之以比物伍之
以合虛荀子注引作伍之以合參急就篇戎伯總問什伍
鄰顏注戎謂編士卒之列也百人爲伯則置長以總統問
視之也五人爲伍二伍爲什五家爲鄰又依此法各有部
署安居服役皆遵制令無乖刺也又云變闢殺傷捕伍鄰
顏注有犯變闢殺傷者則同伍及鄰居之人皆被收掩也
襄三十年左傳盧井有伍注云九夫爲井使五家相保耐

繚子束伍令云五人為伍共一符收於將吏之所匹伍而得伍當之得伍而匹有賞匹伍不得伍身死家殘漢書焉唐傳安知尺籍伍符李奇曰伍符軍士五五相係之符信也如淳曰伍符亦什伍之符要節度也史記索隱云伍符者命軍人伍伍相係不容奸作也續漢書百官志民有什伍注云什主十家伍主五家以相檢察

什相十係也從人十切是執

周禮小宰會其什伍而教之道藝注云五人為伍二伍為什昭元年左傳以什共車必克杜云更增十人以當一車之用正義云周禮十人為什襄十三年傳使其什吏正義云什吏謂十人長也漢舊儀十人為什什長一人漢書鼂錯傳什伍俱前顏注五人為伍二伍為什鹽鐵論什伍相連

相什係也者係當為什本書什相次也徐鍇曰什五家為什使之相係鄭注係猶任也管子小匡篇故卒伍之人人與人相係家與家相愛吳子圖國篇鄉里相比什伍相係尉繚子伍制令軍中之制五人為伍伍相係也十人為什什相係也五十人為屬屬相係也百人為閭閭相係也伍有

千令犯禁者揭之免於罪知而弗揭全伍有誅什有干令犯禁者揭之免於罪知而弗揭全屬有誅閭有干令犯禁者揭之免於罪知而弗揭全閭有誅夫什伍相結上下相聯無有不得之姦無有不揭之罪史記商君列傳令民爲什伍索隱劉氏云五家爲保十家相連也正義云或爲十保或爲伍保北史高祐傳設禁賊之方令五五相保若盜發則連其坐

佰

相什佰也從人從百

搏陌切

顏注急就篇百人爲佰尉繚子使什伍如親戚卒佰如朋友又分塞令佰有分地營其溝洫而明其塞令使非百人無得通非其百人而入者佰誅之

用什佰也者周書太子晉解士率衆時作謂之曰佰淮南兵畧訓正行伍連什佰史記秦始皇本紀崛起於什佰之中論衡量知篇不曉什佰之陣不知擊刺之術者彊使之軍軍覆師敗無其法也

倨

會也從人昏聲詩曰曷其有倨一曰倨倨力兒

古活切

會也者廣韻會計曰估通作括詩車學德音來括傳云括會也釋文括本又作估詩曰易其有估者王鳳君子于役文傳云估會也

合

合也從人合聲

古杏切

合也者廣韻合併合聚玉篇合取也取當為聚王制不能五十里者不合於天下注云合會也論語始有曰苟合矣注云合聚也

結

妙也從人從支豈省聲

無非切

戴侗曰唐本散在簡部曰散見其簡也通作微成上四年左傳春秋之稱微而顯老子傳之不得名曰微妙也者李善注文賦引同本書無妙字漢書張安世傳宣帝下詔曰朕微眇時張賀輔道朕躬祭義雖有奇邪而少也列子釋文微少也

原

點也從人原聲

魚怨切

照也者方言點慧也通作
原論語鄉原德之賊也

𠂔

起也從人從𠂔
則洛切

起也者釋名同易乾卦聖人作而萬物覩釋文作鄭云起也書無逸作其卽位鄭注作起也說命作我先王傳云作起詩桑柔作爲式穀巷伯作爲此詩箋竝云作起也鄉飲酒記以爵拜者不徒作周禮大司馬進興功以作邦國考工記作而行之檀弓孔子蚤作鄭注竝云作起也襄二十三年左傳今君聞晉之亂而後作焉杜云作起兵也通鑑元魏詔罷起部無益之作注云起部掌百工之事書曰百工起哉綬謂起部猶將作大匠釋天太歲在酉曰作噩李巡云作噩皆物凶枝起之兒

𠂔

非眞也從人改聲一曰至也虞書曰假于上下

古正切又

古額切

非眞也者疑後人所加古無言眞假者但曰實曰僞襄十八年左傳使乘車者左實右僞是也本書眞字亦不言假

之對白漢高帝謂韓信大大定諸侯即為真王耳何以
假為劉歇說書以古文嘉不假王蒞政王莽因稱假皇帝
後竟即真遂有真假之對稱本書所謂非真者當作假字
假借也漢假司馬之類唐謂之借職是也一日至也者

本書假至也廣書曰假
于上下書堯典文彼作格

借

假也從人昔聲
切貢昔

徐鉉
所加

儔

漸進也從人又持帶若埽之進又手也

七林切

漸進也者通作浸易臨卦剛浸而長史記武帝紀天子始
巡郡縣侵尋於泰山封禪書作浸尋莊子大宗師浸假而
化子之左臂以為雞浸假而化手之右
臂以為彈浸假而化子之尻以為輪

儻

賣也從人賣聲
余六切

賣也者集韻作買周禮司市以量度成價而徵儻注云儻
賈也物有定價則買者來也疏云此字所訓不定案下文

兌之祥之義也

連筠雜叢書

候

何望也從人侯聲

切

胡邁

書禹貢五百里侯服傳云侯也斥侯而服事正義襄十八
年左傳稱晉人代齊使司馬斥山澤之險斥謂檢行之也斥
候謂檢行險阻伺候盜賊此五百里主為斥侯而服事天子
賜伏皆持以絳及白為幡見騎賊舉絳幡見步賊舉白幡備
慮有無也成二年傳司馬司空輿師候正亞旅皆受一命之
服杜云候正主斥候襄十八年傳晉人使司馬斥山澤之險
杜云斥候也六韜凡帥師之法當先發遠候去敵二十里

審知敵人之所在 秦策韓必為關中之候而魏亦關內候
矣高云為秦察諸侯動靜趙策侯者來言而王弗聽東周策
告東周之候曰今夕有數人當入者矣侯得而獻東周孝
經援神契侯也所以守蕃也 史記律書願且堅邇設侯
環濟要畧庶子授八次八舍之職以徵侯 衛公兵法書
日逐高要處安置斥侯以視動靜 通鑑王僧達自侯道南
奔注云侯道同侯邇上警急之道

也今沿路列置烽臺者即侯道
伺望也者本書無伺字廣雅侯望也則禮有侯人宣十二
年左傳豈敢辱侯人杜云侯人謂同侯望敵者昭二十三
年傳明其伍侯杜云使民有部伍相為侯望史記李將軍
傳然亦遠斥侯索隱按許慎注淮南云侯視也望也漢書
貢禹傳垂北邇亭塞侯望傳介子傳樓蘭王安歸常為伺
奴侯遮漢使者顏注言為匈奴之閑而侯伺後漢書光武
紀築亭候注云亭候伺望敵之所後周書韓果善伺敵
虛實有潛匿溪谷者果登高之所疑處往必有獲由是以
果為侯都督通鑑魏設酒禁增置內外侯官伺
察諸曹及州鎮又云隋文帝量置侯人以伺動靜

償還也從人賞聲 倉章切

靈石楊氏聚

還也者老子以道佐人主者不以兵強天下其事好還本
書負下云受貸不償僖十五年左傳西鄰責言不可償也
杜云不可報償檀弓季子皋葬其妻犯人之禾申祥以告
曰請庚之注云庚償也漢書雋不疑傳或誤持同舍郎金
去同舍郎疑不疑
不疑買金償之

僅 材能也從人董聲 渠各切

僖四年穀梁傳以桓公得志為
僅矣 周語余一人僅亦守府

材能也者字林作才徐鍇本同鍇曰僅能如此是才能如
此才始詞也本書考老人行才相逮況財溫水撤刺之財
至也後漢書馬援傳但取衣倉裁足廣韻僅纔也纔僅也
華嚴經音義僅纔能也漢書杜欽傳迺為小冠高廣特二
寸顏注杜與纔同漢書量錯傳遠縣纔至注云纔淺也猶
云僅至也李陵答蘇武書僅乃得免李善云何休公羊傳
注僅纔也馥謂材財裁纔
皆同聲假借當以才為正

伐 更也從人弋聲 徒耐切

更也者方言更代也玉篇引書天工人其代之莊子尸祝不越俎而代之

儀

度也從人義聲

魚羈切

度也者度謂忖度詩烝民我儀圖之漢書外戚傳皆心儀霍將軍女顏注心儀即心擬

傍

近也從人旁聲

步光切

近也者廣雅同李善注邱遲詩引作附也賈誼書成王之生仁者養之孝古強之四聖仿之

仁

象也從人已聲

詳里切

六書故唐本無仁字其

仁字作訓象也用也

象也者管子七法篇似也類也比也狀也謂之象賈誼早雲賦鬼隆崇以崔嵬兮時彷彿而有似

便

安也人有不便更之從人更

芳連切

安也者廣雅同墨子天志中篇百姓皆得煖衣飽食便寧無憂荀子議兵篇汝所謂便者不便之便也所謂仁義者

大便之便也顏注漢書凡言便殿便宮便坐者所以就便安也人有不便更之從人更者字統人有不善更之則安故從更從人

任 係也從人壬聲切如林

係也者廣雅同周禮大司徒令五家為比使之相保注云係猶任也魏策大王已知魏之急而救不至者是大王策之臣無任矣淮南說山訓不孝弟者必冒父母生子者所不能任其必孝也然猶養而長之高注任係也漢書樂布傳窮困賣備於齊為酒家係顏注為係言可任使馥案廣雅係任注云使也後漢書杜根傳因得逃竄為宣城山中酒家係注云言為人備力係任而使之也

俚 譬諭也一曰聞見從人從見詩曰俚天之妹

苦甸切

譬諭也者詩釋文正義後漢書胡廣傳注引並同一曰聞見者當為閒俚釋言閒俚也郭云左傳謂之謀即今之細作也馥案淮南齊俗訓譬俚之見風無須臾之閒定矣船上候風羽謂之俚能諫知風信也詩曰俚天之妹者

大雅大明文傳云倪磬也釋文韓詩作磬磬義同也蓋如今俗語磬論物云磬倪字韓詩作磬則倪磬義同也

也

饒也從人憂聲一曰倡也

切於求

饒也者詩瞻甲天之降罔惟其優矣傳云優渥也箋云饒寬也正義釋傳云以優為優饒之義故為渥也釋箋云饒饒者寬容之義信南山既優既渥箋云潤澤饒洽饒案優差字本書作優鄭訓為饒則作此優字解矣周語則字祀時而布施優裕也韋云優饒也一曰倡也者徐鍇本有又俳優者四字本書倡樂也三書優樂也管子小匡篇倡優侏儒扛前而賢大夫在後齊策和樂倡優然儒之笑不乏史記滑稽列傳優孟者故楚之樂人也優旃者秦倡侏儒也索隱優者倡優也漢書徒關東倡優人五千以為陵戶賈誼傳倡優下賤司馬遷傳倡優畜之魏志注引曹瞞傳太祖為人佻易無威重好音樂倡優在側魏案此所言倡優謂樂歌也本書俳戲也急就篇倡優在側魏案此所言注優戲人也襄六年左傳少相狎長相雙杜云優謂戲也襄二十八年傳陳氏鮑氏之閭人為優杜云優俳正義優

說文解字義詁 卷二十四

三

靈戶楊氏某

者戲名也今之散樂戲為可笑之語而令人之笑是也宋
太尉袁淑取古之文章令人笑者欠而題之名曰俳諧集
定十年殺梁傳齊人使優施舞於魯君之幕下范云優俳
哀二十五年左傳公使優施盟秦繡杜云優技俳優也晉
語公之優曰施注云優俳也越語信謔喜優注云優謂俳
優也通典散樂非部伍之聲俳優歌舞雜奏複案此所
俳優謂諧戲也

僖

樂也從人喜聲

許其切

樂也者一切經音義
九引同本書喜樂也

僭

富也從人僭聲

尺允切

富也者本書僭厚也富厚也廣韻僭厚也富也
春秋繁露春之猶言僭也僭者喜樂之貌也

完

完也逸周書曰朕寶不明以佺伯父從人從完

胡因切

完也者廣韻佺全
也本書完全也

儉

約也從人僉聲

王險切

約也者廣雅儉搏也玉篇搏約也儉也論語夫子溫良恭儉讓以得之阜疏去吝從約謂之儉又以約失之者鮮矣何注儉約無憂忠顏氏家訓治家篇儉者省約為禮之謂也

儗

鄉也從人面聲少儀曰尊壺者儗其鼻

彌箭切

鄉也者儗通作面廣韻嚮也鄭注名詁而猶向也周禮擇人使萬民和說而正王面注云面猶鄉也王操惟君面尊注云而猶鄉也論語人而不為則南召南其猶正牆面而立也與注云人而不為如向牆而立後案反言之則為背離駁儗規矩而改錯法言假訓儗焉少儀曰尊壺者儗其鼻者疑後人所加本書不舉戴記篇名

習

也從人谷聲

似足切

釋名俗欲也俗人所欲也管子藏於官則為法施於國則為俗謂冠于化不因民不能成俗漢書地理志凡民面五常之性而其剛柔緩急音聲不同繫水土之風氣故謂之風好惡取舍動靜亡常隨君王之情欲故謂之俗後漢書

班固傳痛乎風俗之移人也

習也者玉篇習俗安也廣雅俗習也周禮大司徒以俗教安則民不偷注云俗謂土地所生習也老子安其俗傳奕引鄒說為注劉氏新論風俗篇風者氣也俗者習也土地水泉氣有發發聲有高低謂之風焉人居此地習以成性謂之俗焉

俾

益也從人卑聲一曰俾門侍人

并切

益也者本書饒益也俾增也增益也一曰俾門侍人者釋詁俾使也郭云謂使令復案本書使伶也詩車鄰寺人之令傳云寺人內小臣也釋文寺本或作侍字寺人奄人令韓詩作伶云使伶玉篇引書有能俾又俾使也書無逸文王卑服馬本卑作俾云使也詩天保俾爾爾厚傳云俾使又日月俾也可忘箋云俾使也文十二年公羊傳俾君子易怠注云俾使也

俾

俾也從人兒聲

五雞切

俾也者謂俾倪也木書陣城上女牆俾倪也史記信陵君傳侯生下見其客朱亥俾倪故久立擇魚左倪不類右倪不若郭云行頭左庫行頭右庫那疏按賈公彥說周禮以倪為睥睨則左倪右倪是左顧右顧也莊子馬蹄篇加之以衡轡齊之以月題而馬知介倪注云介倪猶睥睨俾倪倣倪竝同宋周明上疏尚方今造一物小民明已睥睨倪

億

安也從人意聲

切

安也者通作億隱十一年左傳寡人惟是一二父兄不能共億昭二十一年傳心億則樂昭二十一年傳我益始億吾鬼神杜注竝云億安也晉語億寧百神吳語億負晉眾庶肅注竝云億安也賈誼書謚者億也又云臣民順億

俾

伶也從人吏聲

切

伶也者通作伶急就篇辭率切割給使令又云臣妾使令詩車鄰寺人之令韓詩作伶云使伶也孟子便嬖不足使令於前與

俦

俦左右兩視從人癸聲

切

其季

倭左右兩視者倭字上下疑有闕文倭通作睽魯靈光殿賦顧頡頤而睽睽

伶

弄也從人令聲益州有建伶縣

郎丁切

弄也者漢書武帝有弄兒司馬遷傳周主上所戲弄倡優畜之鹽鐵論耳聽五音目視弄優益州有建伶縣者見漢志應劭音鈴徐錯本縣下有伶倫人名也五字漢書人去治倫氏服虔曰始造十二律者

琴

琴儷也從人麗聲

呂支切

琴儷也者木書琴木枝條琴儷也

傳

遽也從人專聲

直戀切

遽也者本書遽傳也集韻傳驛遽也增韻驛遽邨馬也古者以車駕馬乘謂京師謂之傳車其後又置單馬乘之謂之驛騎者今之遞馬也凡四馬高足為置傳中足為馳傳下足為乘傳一馬二馬為軺傳漢律諸當乘傳及發駕置傳者皆持尺五寸木傳信封以御史大夫印章其乘傳參對之參三也有期會累封兩端端各兩封凡四封乘置馳

傳五封之兩端各二中央一輅傳兩馬再封之一馬一封
以馬駕輅車而乘傳曰一封輅傳釋言達傳人孫炎曰傳
車也詩江漢箋云克勝則使傳達告功於王釋文以車曰
傳以馬曰達周禮行夫掌邦國傳達之小事注云傳達若
今時乘傳騎驛而使者也王肅上曰傳達之臣注云以車
馬給使也齊策車舍人不休傳鮑云驛達也韓非喻老篇
遽傳不用故曰却走馬以糞餒案一切經音義七傳驛也
廣韻傳郵馬成五年左傳晉侯以傳召伯宗注云傳驛定
十二年傳傳必數日而後及絳漢舊儀使司馬遷乘傳行
天下求古諸侯之史記又云分遣丞相御史乘傳駕行郡
國解因徒郡國各分遣吏傳廢車馬行屬縣解因徒鹽鐵
論建節馳傳巡省郡國續漢書仲嵩為益州刺史馳傳上
言謝承後漢書東海兩縣僻在由閑傳馴不往又云百里
嵩為徐州刺史遭旱行部傳車所經甘雨輒至又云周敞
與別駕陳茂俱行部到潁川楊翟傳傳中置美酒一桮勅
御驛載酒非宜也晉令乘傳曰出使馥謂此皆言傳車傳
驛驛載酒非宜也晉令乘傳曰出使馥謂此皆言傳車傳
馬也又案釋名傳傳也人所止息去後人復來轉轉相傳
無常人也魏策今真之人秦之傳舍不足以舍之史記外
戚世家姊去我西時與我決於傳舍中索隱傳舍謂郵亭

靈石楊氏梨

傳置之舍風俗通義祝恬公車敬道病汲令為解傳而止
傳中數十餘日謝承後漢書李壽為青州刺史發願書於
本縣傳舍後漢書范滂傳閉傳舍注云傳驛舍也三輔決
錄崔康為涼州刺史出止傳舍陳寔別傳高倫被徵為尚
書郡中士大夫送至傳舍魏志陳羣傳昔劉備自成都至
白水多作傳舍王隱晉書河南尹郡中多怪後人皆於廊
下郵傳中治事鄭審問元中充館驛使令
傳舍立十二辰候腹謂此皆言傳舍也

倅

小臣也從人從官詩曰命彼倅人

古患切

詩曰命彼倅人者鄭風定之
方中文傳云倅人主駕者

介

善也從人介聲詩曰价人惟藩

古拜切

善也者釋詁文彼作介郭注引詩亦作介
詩曰价人惟藩者大雅板文傳云价善也

倅

克也從人子聲

子之切

克也者廣雅倅仔克也詩敬之
佛時仔肩傳云仔肩克也

送

送也從人夨聲呂不韋曰有仇氏以伊尹倂女古文

以為訓字

以證

送

緩也從人余聲

似魚切

送也者釋言文彼作媵後漢書注引孫炎云送女曰媵釋名姪娣曰媵媵承事嫡也急就篇妻婦聘嫁齊媵僅顏注媵送女也易咸象滕口說也鄭虞竝作媵云送也燕禮升媵觚于賓注云媵送也莊十九年公羊傳媵者何諸侯娶一國則二國往媵之以姪娣從姪者何兄之子也娣者弟也諸侯一聘九女諸侯不再聘僖五年左傳以媵秦穆姬杜云送女曰媵春秋成八年衛人來媵杜云古者諸侯娶適夫人及左右媵乃有姪娣皆同姓之國國三人凡九女所以廣繼嗣也魯將嫁伯姬於宋故衛來媵之楚詞九歌魚鱗鱗兮媵予注云媵送也奔聲者木書無奔字辨亦從奔聲玉篇奔主倦切火確呂不韋曰有仇氏以伊尹倂女者呂氏春秋本誅篇文仇通作莘說苑伊尹故有莘氏媵臣也古文以為訓字者莊君述祖曰逸周書王用有監明德朕命朕當作訓古文訓作倂故禹作朕

緩也者徐通作徐顏注急就篇云徐者舒緩之稱也孟子子謂之姑徐徐云爾釋地濟東曰徐州釋名徐舒也土氣舒緩也史記齊世家田常執簡公於徐州索隱徐字從人又通作余釋天四月為余孫炎本作舒又通作除詩小明二章昔我往矣日月方除箋云四月為除馥謂四月日行正緩晝長時也

解 僻婁也從人屏聲毗正切

僻婁也者荀子榮辱篇注引同廣韻僻隱僻也無人處或作僻集韻僻旁側也

伸 屈伸從人申聲失人切

屈伸者本書舒伸也玉篇伸舒也易曰尺蠖之屈以求伸也案繫辭伸作信又云往者屈也來者信也周禮大宗伯侯執信圭伯執躬圭注云信圭刻人形信也躬圭刻人形屈也莊子熊經鳥伸

拙 拙也從人且聲似魚切

拙也者六書故淮南子曰使但吹竽今俗亦以拙鈍為但廣雅但鈍也離騷理弱而媒拙兮王逸云拙鈍也

然

意騰也從人然聲人善切

意騰也者玉篇然意急而懼也通俗文警警曰然

倜

弱也從人亼聲奴亂切

弱也者本書倜讀若倜弱之倜倜讀若畏倜廣雅倜弱也通作亼一切經音義一物柔曰亼三蒼亼柔弱也楚策鄭魏者楚亼國鮑云亼弱也漢書王吉傳數以亼脆之玉體兒勤勞之煩苛顏注亼柔也司馬遷傳僕雖怯與欲苟活顏注亼柔弱也劉輔傳精銳銷亼蘇林曰亼弱也後漢書曹聚傳嚴奏亼弱或作軟楚策李園軟弱人也漢書賈誼傳坐罷軟不勝任者顏注軟弱也

倜

反也從人音聲薄亥切

反也者中庸為下不倍繻衣信以結之則民不倍孟子師夷而遂倍之趙策談諸而不師師是倍也鮑云言背其師又云若與國有倍約者以四國攻之衛策燕趙好倍而貪地鮑云倍謂背約秦策趙厚送遺之是不敢倍德畔施又

云魏許寡人以地今戰勝魏王倍寡人也齊策是足下倍先君盟約楚策楚王段必不收倍盟淮南子禹作三仞之城諸侯倍之禹知天下叛之乃壞城為平地賈誼書愛利出中謂之忠反忠為倍易解卦負且乘虞云負倍也通作背漢書刑罰積而民怨倍大戴禮作背書太甲既往背師係之訓漢書高帝紀君為秦吏今欲背之楚辭九歎信中途而叛之王逸曰叛背也

𠂔

引為賈也從人焉聲

於建切

引為賈也者廣韻𠂔與賈同引與為價廣雅𠂔賈也𠂔當為𠂔玉篇𠂔𠂔挽弓也𠂔引聲義同後漢書崔實傳實從兄烈因傳母入錢五百𠂔得為司徒及拜日天子臨軒百僚畢會帝顧謂親倖者曰𠂔不小𠂔可至千萬注云𠂔或作𠂔說文曰𠂔引為價也腹謂𠂔即傷價即賈

𠂔

假也從人替聲

子念切

假也者玉篇引作𠂔也篇海同廣雅假𠂔也詩抑覆謂我𠂔箋云𠂔不信也隱五年公羊傳譏始𠂔諸公也注云𠂔

齊也下校上之辭穀梁傳始僭樂矣范云下犯上謂之僭
僭九年左傳不僭不賊注云僭過差也魏二十七年傳夫
以信召人而以僭濟之必莫之與也昭元年傳楚又行僭
注云僭不信昭八年傳君子之言信而有微小人之言僭
而無微昭二十年傳今聞難而逃是僭子也注云使子言
不信也又二十年傳外寵之臣僭令於鄙注云詐為教令
於邇邇昭二十五年傳以下為信與僭之吉注云僭不信
也公羊傳諸侯僭於天子大夫僭於諸侯久矣段頴上疏
誕辭空說僭而無徵通作潛詩瞻卬潛始竟背箋云潛不
信也釋文本又作僭柔柔朋友已潛箋云潛不信也釋文
潛子念反本亦作僭

僭

僭也一曰相疑從人疑聲

魚己切

僭也者廣韻僭從也漢折里橋郁閣頌雖昔魯班亦莫疑
象通作疑史記蘇秦傳疑於王者漢書食貨志遠方之能
疑者並舉而爭起顏云疑讀曰擬僭也或作擬廣雅僭擬
也曲禮不敢與世子同名注云辟僭傲也正義嫌其名自
比擬於君漢書公孫弘傳管仲相齊有三國侈擬於君注
云擬疑也言相似也後漢書張衡傳吾觀太元方知子雲

妙極道數乃與五經相擬

偏

頗也從人扁聲

切芳連

頗也者本書頗頭偏也書洪範無黨無偏又無偏無頗又人用側頗僻民用僭忒無逸爾乃惟逸惟頗大遠王命

倝

狂也從人長聲一曰仆也

切猪羊

狂也者廣雅倝狂也廣韻倝倝倝失道禮仲尼燕居瞽者無相倝倝乎其何之荀子脩身篇人無法則倝倝然注云倝倝無所適兒也言不知所措履或作猖玉篇猖狂駭也莊子山木篇猖狂受行離騷何桀紂之猖披

惛

惛也從人蕤聲

切呼眩

惛也者本書惛不明也玉篇惛迷惛也字或作僂釋訓僂僂惛也

儻

駢也從人壽聲

切直由

駢也者本書駢駢也王篇駢隱蔽也廣韻儻隱也

𨋖

有離蔽也從人舟聲詩曰誰俯予美

張流切

詩曰誰俯予美者陳風防有鵲巢文傳云俯張詠也釋訓同郭云書曰無或俯張為幻幻惑欺誑人者

𨋖

淺也從人菱聲

慈衍切

淺也者釋言文詩小戎倭收傳云倭淺又倭駟孔羣箋云倭淺也考工記鮑人之事則是以博為倭也注云鄭司農云倭讀為翦玄謂翦者如倭倭之淺馥案史記李斯傳能薄而材譎張有謂當作倭

𨋖

中也從人田聲春秋傳曰乘中𨋖一轅車

章練切

春秋傳曰乘中𨋖者哀十七年左傳文彼作𨋖𨋖一轅車者乃許公釋傳之義杜注𨋖𨋖一轅車車止義𨋖中也蓋以四馬為上乘兩馬為中乘馥案鄉車廣韻作輕車鄭注周禮小司徒甸之言乘也讀如𨋖𨋖之甸徐鍇曰𨋖謂中也古載物大車雙轅乘車一轅當中也

𨋖

小兒從人𨋖聲詩曰𨋖𨋖彼有屋

斯氏切

靈石楊氏某

小兒者倮或作𠙴釋訓𠙴𠙴小也郭注特器細陋也舍人云𠙴𠙴形容小兒通作𠙴方音𠙴短也江湘之會謂之𠙴又通作𠙴方言凡物生而不長大亦謂之𠙴詩曰倮倮彼有屋者小雅正月文彼作𠙴傳云𠙴𠙴小也釋文𠙴說文作倮音徒廣韻詩云倮倮彼有屋本亦作𠙴

𠙴

小兒從人光聲春秋國語曰倮飯不及一食

古橫切

春秋國語曰倮飯不及一食者徐鍇本下有是倮倮然小也六字類篇引作𠙴飯不及一餐馥謂會餐竝誤當作𠙴𠙴語𠙴飯不及一壺𠙴𠙴云𠙴大也大飯謂盛飯末具不能以虛待之不及一壺𠙴之救饑疾也馥案廣韻倮盛兒蓋本此

𠙴

偷也從人兆聲詩曰視民不倮

上彫切

偷也者釋言文郭云苟且李巡以為偷傳之偷本書無偷字李燾本作偷字書倮輕也廣韻倮輕倮楚辭余猶訝其倮巧詩曰視民不倮者小雅鹿鳴文彼作倮傳云倮偷也昭十年左傳視民不倮服注示民不偷薄東京賦敬慎

威儀示
民不偷

辟

避也從人辟聲詩曰宛如左辟一曰從旁牽也

詩字切

避也者一切經音義十一引作辟也徐鍇本同鍇曰辟避也玉篇詩云民之多辟辟邪也本書通回避也避回也詩大明厥德不回論衡引左傳君無回德回與違同謂哀辟也宣九年左傳引詩民之多辟注云辟邪也文十八年傳靖謂庸回注云回邪也史記共工善言其用辟案書堯典靜言庸違亦回也盤庚迂乃心傳云迂僻案本書迂避也般辟也象舟之旋李巡注爾雅婆娑盤辟舞也詩采芣小人所腓毛訓腓為辟王肅以辟為避忠宣九年左傳齊侯問之遽辟之杜云辟去策兵也釋文辟婢亦反又音避孟子行辟人可也韓策嚴仲子辟人因為品政語詩曰宛如左辟者魏風葛屨文彼作宛然左辟一曰從旁牽也者晉語以傳召伯宗遇大車當道而覆立而避之曰辟傳對曰傳為速也若徐吾辟之則加遲矣不如捷而行般案辟傳者使其從旁牽也

辟

很也從人弦省聲

馬四切

很也者謂很戾也本
書盤弼戾也從弦省

𠄎

與也從人支聲詩曰籀人伎武

渠綺切

與也者與讀如泉眾詞與也之與趙宦光曰伎同及漢碑
勅碑有伎皇代即旁及詩曰籀人伎武者大雅瞻印文
彼作伎傳云伎害也廣韻伎傷害也

𠄎

掩脅也從人多聲一曰奢也

尺氏切

掩脅也者本書侈衣張也帳婦人侈衣一曰奢也者字
林侈大也書周官祿不期侈傳云富不與侈期而侈自來
成十年公羊傳婦人以衆多爲侈也何云侈大也昭
三年左傳於臣侈矣杜云侈奢也賈誼書反儉爲侈

𠄎

癡兒從人台聲讀若駢

夷在切

癡兒者本書顛癡不聰明也急癡兒集韻怡癡兒六書
故司馬相如賦曰怡以怡儼張揖曰怡儼不前也按今以
駢駢難語使爲怡儼古蓋有此語或作儼廣韻儼癡兒
讀若駢者本書駢駢也癡駢也駢駢言聲喬駢也廣韻

喬寢兒周禮司刺注云慈思生而寢驩童昏者通鑑王師範謂虛弘曰師範童驩不堪重任注云驩寢思也

倭 倭驕也從人蚤聲 切 鮮遭

倭驕也者 謂驕驩

倭 詐也從人爲聲 危睡切

詐也者釋詁文又云詐僞也廣雅僞欺也書周官作僞心勞曰拙詩小雅民之詐言箋云僞也小人好詐僞爲交易之言周禮大司徒以五禮防僞民之僞而教之中襄十八年左傳使乘車吉左實右僞

倖 倖也從人只聲 以鼓切

倖 務也從人句聲 苦候切

務也者廣韻作愁云拘愁思兒玉篇引是辭九辯直倖愁以自苦

倖 輕也從人與聲 匹妙切

輕也者史記索隱引同本書嫖輕也方言嫖輕也楚凡相
輕薄或謂之嫖也荀子議兵篇輕利嫖速注云嫖亦輕也
脩身篇怠慢嫖弃注云嫖輕也謂自輕其身也後漢書班
固傳雖輕迅與嫖校袁紹傳嫖校鋒俠史記高祖本紀項
羽為人嫖悍猾賊嫖書作嫖顏注嫖疾也字或作嫖漢馮
煥碑謝輕狡嫖通作嫖後漢書張衡傳夫穢累而嫖輕注
云嫖音匹妙反猶飄飄也又通作剽絳侯世家楚兵剽輕
難與爭鋒漢書地理志自全晉時已患其剽悍顏云剽急
也輕也魏都賦過以汎剽之單慧曹植白馬篇勇剽若豹
螭釋樂大鐘謂之鏞其中謂之剽孫炎曰剽者身輕疾也

倡

樂也從人昌聲

切亮

三蒼倡俳也列子湯問篇臣之所造能倡者注云倡俳優
也史記趙世家趙王遷其母倡也桓譚新論漢之三主
內置黃門工倡酸案馬融長笛賦然後退理乎黃門高廊漢
書禮樂志成帝時鄭警尤甚黃門名倡內彌景武之屬富顯
於世藝文志黃門倡
車忠等歌詩十五篇

樂也者李善注古詩及平屈原文引同又云謂作妓人也
後漢書郭皇后紀注引同本書優倡也顏注急就篇倡樂

人也字林倡優樂也三蒼優樂也督類倡俳樂記一倡而
三歎注云倡發歌句也韓非外儲說宋王與齊仇也樂武
宮謳癸倡行者止觀樂者不倦桓譚新論昔孝成帝時余
爲樂府令凡所典倡優伎樂益且千人漢書佞幸傳身及
父母兄弟皆故倡也顏注倡樂人也續漢書大將軍梁商
三月上巳日會洛水倡樂畢極百官志太子樂令一人掌
伎樂後漢書桓譚傳性嗜倡樂注云倡俳優也晉起居注
咸和中詔大樂令戴綬教習伎樂續晉陽秋吳曇善倡樂
陸機七徵名倡陳於隋房遜響博乎華
屋袁惟招公子云燕倡越舞齊商歌



戲也從人非聲

步皆切

戲也者一切經音義十四引同又云莊子獻笑不及俳案
俳者樂人所爲戲笑以自怡悅也急就篇倡優俳笑觀倚
庭顏注倡樂人也俳謂優之變狎者也襄二十八年左傳
陳氏鮑氏之圉人爲優注云優俳春秋元命苞翼星主南
宮之羽儀文物替明之所豐茂爲樂庫爲天倡先王以賓
于四門而列天庭之衛主俳倡近太微而爲尊漢書霍光
傳擊鼓歌吹作俳倡顏注俳優諸戲也倡樂人也枚舉傳
皋不通經術詼笑類俳倡皋賦辭中自言爲賦乃俳見視

說文解字義證

卷二十四

聖

連到義叢書
靈戶楊氏栞

如倡白梅類倡也景十三王傳令倡俳戲坐中顏注並
云倡樂人也俳雜戲者也賈誼書大臣奏事則俳優侏儒
逃隱習樂技藝之人不並奏趙書石勒參軍周延每大會
使俳優著介幘黃絹單衣劉梁七舉秦俳趙舞宋太尉袁
淑取古之文章令人笑者
次而題之名曰俳諧集

儻

作姿也從人善聲

常演切

作姿也者廣雅儻態也論語巧言令色包注巧
言好其言語令色善其顏色皆欲令人說之

儻

儻互不齊也從人覺聲

土咸切

儻互不齊也者六書故君子不以一日使其躬儻焉如不
終日謂苟且不整肅也周禮廛人總市杜子春云總當為
儻謂無肆立持者之稅也馥案市廛正行列若立持則不
齊矣儻二十二年左傳宋公及楚人戰于泓司馬子魚曰
聲盛致氣鼓儻可也注乘其陣未成列急攻之也周語夫
戎翟冒沒輕儻車云儻進退上下無列也曲禮長者不及
毋儻言注云儻猶暫也非類雜一切經音義二十二儻非
大而言也後漢書孔僖傳鄰房生梁郁儻和之注云儻謂

不與之言而傍對也禮記曰無儻言

佚

佚民也從人失聲一曰佚忽也

夷質切

佚民也者孟子遺佚而不怨懷書梅福傳佚民不舉潛夫論賢難篇獻賦佚民山谷隱上通作逸論語舉逸民又夷逸漢石經作夷佚書無逸史記作無佚又通作軼史記管晏列傳贊論其軼事一曰佚忽也者本書誤忘也或作佚文選四子講德論故美玉韞于風吹

俄

行頃也從人我聲詩曰仄弁之俄

五何切

行頃也者頃當為傾傾仄也本書我頃頃也頃亦當為傾詩曰仄弁之俄者小雅賓之初筵文彼作側箋云側傾

也俄傾貌

僇

喜也從人各聲白關以西物大小不同謂之僇

余邦切

喜也者僇通作絲釋詁絲喜也又通作猶檀弓人喜則斯陶陶斯詠詠斯猶鄭云猶當為搖謂身動搖也秦人猶搖

聲相近韻謂猶即條大戴禮文王官人篇喜色附然以出
 又通作搖樂稽耀嘉克殷之後民乃大安家給人足酌酒
 鬱搖注云鬱搖喜貌自關以西物大小不同謂之條者
 字或作條方言條哀也白山而西凡物細大不純者謂之
 條注云言
 俄條也

微

微御受屈也從人卻聲

其虐切

微御受屈也者史記司馬相如傳文彼作微司馬彪云微
 倦也謂遮其倦者郭璞曰微疲極也言微有倦游者則微
 而取之本書御勞也玉篇微倦微廣雅御勞也字書微遮
 也亦要也本書微半遮也漢書趙充國傳微極遮擊之顏
 注微要也要其倦極者也匈奴傳以誘罷漢兵微極而取
 之顏注微要也誘令疲要其困極然後取之司馬相如傳
 微御受屈蘇林曰微吾倦微之微顏注言獸有倦極者要
 而取之傳又云與其窮極倦微郭璞曰窮極倦微疲憊也
 卻聲者當為微本書微
 相倚微也方言微倦也

微

醉舞兒從人差聲詩曰屢舞僂僂

素何切

醉舞兒者廣雅僊僊舞也詩曰屢舞僊僊者小雅賓之初筵文傳云僊僊不止也

𩚑

醉舞兒從人欺聲詩曰屢舞𩚑𩚑去其切

醉舞兒者廣雅𩚑𩚑舞也詩曰屢舞𩚑𩚑者小雅賓之初筵文傳云𩚑𩚑舞不能自正也故案本書𩚑下引詩屢

舞𩚑

𩚑

傷也從人每聲文甫切

傷也者一切經音義一引作傷也又云謂輕傷斷弄也本書傷輕也敬侮也廣雅侮傷也玉篇侮慢也書洛誥惟事其夾侮傳謂侮慢詩鴟鴞或敢侮子箋云寧有敢侮慢欲毀之者乎

𩚑

古文從母

漢書五行志
慢侮之心生

𩚑

𩚑也從人疾聲一曰毒也泰悉切

妒也者本書妒妒也廣雅嫉妬也離騷各異心而嫉妬注云害色曰妒害賢曰嫉亢倉子用道篇同道者相愛同藝者相嫉通作疾書秦誓人之有技藝蔽冒疾害以惡之

陽

候或從女

陽

輕也從人易聲一曰交傷

切以鼓

蒼頡篇陽慢也通作易北堂書鈔慢易以犯節桓十三年左傳見莫敖而告諸天之不假易也杜云言天不借貸慢易之人襄十一年傳晉師敗績易秦故也六韜有肅肅而反易人者史記酈生傳吾聞沛公慢而易人交州名士傳張重舉計漢明帝易重問何短小

輕也者本書媿侮易也姚易也並當作傷廣雅傷輕也一切經音義三廣雅傲傷也謂輕傷也樂記外貌斯須不莊不敬而易慢之心入之矣注云易輕易也文十二年公羊傳俾君子易怠注云易怠猶輕情也襄四年左傳貴貨易土注云易猶輕也昭十八年傳土不可易杜云易輕也秦策願王之勿易也高云易輕也史記禮書能慮勿易注云

易猶輕易也漢書高帝紀高祖為亭長素易諸吏頗注易
輕也賈嬰傳魏其沾沾自喜曰多易張晏曰多易多輕易
之行也燕丹子荆軻歸而罵曰吾坐輕易為賢子所欺
一曰交傷者本書換易也賈易財也文選博奕論足以兼
棋局而買博奕矣任昉表陵谷遷買李注拉云買傷也易
繫辭日中為市致天下之民聚天下之貨交易而退詩天
作岐有夷之行傳云夷易也箋云岐邦之君有佼傷之道
孟子以粟易械器史記平準書農工商交易之路通趙世
家趙與燕易土索隱音亦謂與燕換易縣也
通作數廣雅賈販也或作易廣韻易交易

條

訟面相是從人希聲

喜皆切

訟面相是者王
篇倫解也訟也

儼

儼也從人賁聲

匹問切

儼也者釋言文郭云卻儼舍人曰背踣意也隱三年左傳
鄭伯之車儼于濟襄二十四年傳象有齒以焚其身服虔
云焚讀曰儼儼也為生齒身儼仆其身昭十三年傳牛
雖瘠儼於豚上其畏不亦注云儼仆也晉語重儼可疾卓

兌之澤之象登

卷二十一

三

連筠移謄書

靈石楊氏某

云僨僨也大戴禮曾子制言篇衡塗而僨盧辯云僨僨也呂氏春秋慎小篇明日有人僨南門之外表者仕長大夫注云僨僨也莊子天運篇一僨一起釋文司馬云僨仆也漢書韓王信傳此伍子胥所以僨於吳世也顏注僨謂僨仆而倒也鼂錯傳輸者僨於道服虔曰僨仆也何奴傳孤僨之君如淳曰僨仆也猶言不能自立也

僨

僨也從人𠂔聲

切

僨也者徐鍇本作僨也謂會同爾雅釋文引同一切經音義十三引亦同又云謂却僨也稷案本書僨僨也呂氏春秋貴卒篇鮑叔御公子小白僨注云僨猶僨也漢書昭帝紀上林有柳樹枯僨自起生顏注僨僨也梁孝王傳卽詐僨仆陽病顏注僨仆倒地也後漢書馬援傳僨外軍事注云僨仆也

𠂔

𠂔也從人卜聲

切

𠂔也者一切經音義三引同又云謂前覆也廣韻仆前倒玉篇仆傾倒兒廣雅𠂔仆僨也釋名仆踣也𠂔踣而前也釋言夷仆也郭云𠂔踣倒仆孫炎云前覆曰仆定八年左傳筮邱子鉏擊之與一人俱斃杜云斃仆也正義云吳越

春秋稱要離謂吳王夫差曰臣迎風則偃背風則仆然則仆是前覆偃是却倒漢書貢禹傳誠恐一旦蹕仆顏注仆頓也燕書賜章該布百餘匹負而歸重不能勝乃至偃頓

偃

偃也從人反聲

切於體

偃也者廣雅同一切經音義二十二引說文偃却偃也書金縢禾盡偃論語草上之風必偃孔注偃仆也鄉射禮東面偃旌注云偃猶仆也博物志徐君生而偃故以為名

傷

創也從人殤省聲

切式羊

本書創傷也殤傷也殤傷也書說命若跣弗視地厥足用傷莊八年左傳隊于車傷足倍二十二年傳宋公及楚人戰于泓公傷股公曰君子不重傷子魚曰傷未及處如何勿重若愛重傷則如勿傷二十八年傳魏犢傷於胸襄二十三年傳樂魴傷三十一一年傳猶未能操刀而使割也其傷實多昭元年傳子南知之執戈逐之及衡擊之以戈子皙傷而歸創也者月令命理瞻傷察創視折注云創之淺者曰傷昭二年左傳鄭公孫里將作亂傷疾作而不果杜云前年游

說文解字義登

卷二十一

三

連筠篠叢書

楚所擊創 傷省聲者韻會引
徐鉛本作易聲木書無易字

修

刺也從人肴聲一曰痛聲

胡茅切

刺也者刺當為刺刺戾也 肴聲者肴非聲顏氏家訓蒼頡篇有脩字訓詰云痛而誨也音羽罪反今北人痛則呼之聲類音于未反今南人痛或呼之此二音隨其鄉俗並可行也韻案廣韻脩痛而叫也于罪切 一曰痛聲者徐錯本作毒之案本書痢下云楚人謂藥毒曰痛痢

脩

脩詞從人夸聲

苦瓜切

脩詞也者當作脩小字本李燾本徐鉉韻譜並作脩集韻引同宣十五年公羊傳司馬子反曰隳甚矣德廣韻脩痛也呼

催

相擣也從人崔聲詩曰室人交徧催我

倉回切

相擣也者本書擣手推也推當作催 詩曰室人交徧催我者邶風北門文彼作摧傳云摧沮也箋云刺譏之言釋

文摧或作催韓詩作誰就也韻宰就當為說

痛

痛也從人甬聲

他紅切又余隴切

痛也者甬通作踊檀弓辟踊哀之至也喪服記辟踊注云男踊女踊士喪禮大夫踊

伏

司也從人從犬

房六切

司也者釋名伏覆也莊十年左傳懼有伏焉隱九年傳君為三覆以待之史記留侯世家臣與客狙擊秦皇帝應劭云狙伺也一云伏伺也狙之伺物必伏而候之故今云狙倣

促

迫也從人足聲

七玉切

迫也者廣雅促近也木書迫近也通作趣周禮縣正趣其稼事月令命有司趣民牧斂又云乃趣獄刑釋文拉音促史記數使之趣齊兵詩左有趣之箋云皆促疾於事

比

比也從人刑聲

力制切

比也者玉篇例也王制必察小大之比以成之注云已行故事曰比比例也後漢書陳忠傳父寵上除漢法溢於甫刑者未施行忠奏上二十

三條為決事比注云比例也

累束也者一切經音義三引作結束也又云亦連綴不絕也吳語係馬舌注云係縛也孟子係累其子弟注云係累猶縛結也顏注漢書張釋之傳云

結讀曰係 系亦聲者當為系聲

伐 擊也從人持戈一曰敗也 房越切 擊也者廣雅同書牧誓不愆於四伐五伐六伐七伐傳云伐謂擊刺詩甘棠勿剪勿伐傳云伐擊也僖二十八年左傳遂伐其木宋玉風賦斃后伐木李善云伐擊也詩采芑鉦人伐鼓傳云伐擊也禮郊特牲二日伐鼓何居文十五年左傳伐鼓于社杜云伐猶擊也 一曰敗也者廣雅同春秋說題辭伐人者涉人國內行威有所斬壞伐之為言敗也徐錯本下有亦所也三字馥案所亦擊也枚乘七發使琴擊所斲以為琴謂伐木也

俘

軍所獲也從人孚聲春秋傳曰以為俘馘

切芳無

軍所獲也者史記正義俘囚也一切經音義十三國語而

安俘女賈注曰伐國取人口俘釋詁俘取也本巡云四敵

日俘伐執之曰取書典寶序俘厭寶玉傳云俘取也信

十二年左傳示之俘馘杜云俘所得囚倍二十八傳獻

楚俘于王襄二十五年傳子美入數俘而出杜云數其所

獲人數昭十年傳平子伐莒取鄭獻俘家語相魯篇裔夷

之俘注云俘軍所獲虜也漢書昭帝紀斬虜獲生有功頗

注俘取曰獲春秋傳曰以為俘馘者成三年左傳文

但楊也從人旦聲徒早

但

楊也從人旦聲

徒早

楊也者本書相衣縫解也楊但也增韻但偏脫衣袖通作

但詩大叔于田相楊暴虎孟子雖相楊禔程於我側字或

作檀史記呂后紀為劉氏左檀徐錯木有一曰徒三字皆

類徒但也空也漢書食貨志錢府以所入工商之貢但賒

說文解字義證

卷二十四

兒

連筠移叢書

偃

偃也從人區聲

於武切

偃也者廣雅同又云曲也廣韻偃不伸也偃也通俗文曲
春謂之偃偃昭七年左傳一命而偃再命而偃三命而俯
賈注俯恭於偃偃恭於偃荀子儒效篇是猶偃伸而好升
高也注云偃偃也韓非安危篇使偃以天性剖背宋策剖
偃之背新序宋重王剖偃者之背呂氏春秋明理篇言
偃偃注云偃偃俯者也盡數篇苦水所多偃與偃人注云
偃偃脊疾也五代史鄭韜晚年背偃通作偃旅漢書東方
朔傳行步偃旅顏注偃旅曲躬兒也後漢書趙壹傳偃偃
名執注云偃
嬌猶偃偃也

偃

偃也從人婁聲周公儀偃或言背偃

力主切

廣韻偃偃疾也廣雅偃曲也成元年穀梁傳曹公子手
偃散案公子名手五音集韻以為手病誤燕策偃行見荆
軻淮南精神訓子求行年五十有四而病偃偃偃偃偃偃
頂膈下迫頤兩脾在上燭營指天簡匍匐自闕于井曰俸哉遠
化其以我為此拘拘郭通作婁釋
木槐木待婁郭注謂木病偃偃偃

𢇛也者木書𢇛𢇛曲脰也此言下倮也 周公𢇛倮者即
𢇛也 或言背倮者廣韻引荀子周公倮背白虎通周公
背倮昭四年左傳黑而上倮注云上倮肩倮哀十四年左
傳長而上倮杜云肩背倮漢書蔡義傳行步俛倮顏注倮
曲背也

𢇛

癡行𢇛𢇛也從人𢇛聲讀若雞一日且也

力救切

癡行𢇛𢇛也者通作𢇛釋詁癡病也𢇛謂癡亦病也𢇛𢇛
古通用荀子非相篇為天下大𢇛史記田單傳𢇛及先人
歸兮箋云𢇛猶且也又泉水𢇛與之謀箋云𢇛且略之離
離騷聊逍遙以相羊王注𢇛且也音苦阮籍傳𢇛復爾爾
又通作𢇛木書𢇛𢇛然也筆賦勃慄慨以𢇛亮李善引聲
類𢇛且也一切
經音義二引同

𢇛

𢇛也從人九聲

巨鳩切

𢇛也者仇𢇛聲相近木書𢇛𢇛怨仇也一切經音義一仇怨
也匹也三蒼云怨偶曰仇廣雅仇惡也釋名仇子𢇛也所

兌文解字義登

卷二十一

五

連筠珍叢書

伐則平如討仇讐也釋詁仇匹也李巡曰仇讐怨之匹也
 孫炎曰仇相求匹也易鼎卦我仇有疾釋文仇匹也鄭云
 怨耦曰仇書仲虺之誥乃葛伯仇餉傳云仇怨也五子之
 歌萬姓仇予傳云仇怨也詩無衣與子同仇傳云仇匹也
 箋云怨耦曰仇桓二年左傳嘉耦曰妃怨耦曰仇史記留侯世
 也楚詞九章羌眾人之所仇注云怨耦曰仇
 家張良為韓報仇

田田

相敗也從人畠聲讀若雷
切

相敗也者李善注西征賦引作壞敗之兒寡婦賊容兒偏
 以頓頓兮李善引家語偏偏乎若喪家之狗禮記喪容偏
 偏鄭云偏偏兒

部

災也從人從各各者相違也
其久切

易乾卦君子終日乾乾夕惕若厲无咎書大禹謨天
 降之咎莊二十一年左傳鄭伯效尤其亦將有咎
 災也者木書殃咎也從人從各各者相違也者一切經
 音義九說文咎災也字體從人從各人各相違即成罪咎

又二人同心其利斷金
二人相運其禍成災

𠂔

別也從人比聲詩曰有女𠂔離芳比切

別也者小爾雅廣言同謝惠連西陵遇風獻康樂詩哲兄
感𠂔別詩曰有女𠂔離者王風中谷有蕓文傳云𠂔別
也

𠂔

毀也從人咎聲其久切

毀也者俗通作咎廣雅咎惡也書西伯戡黎序
殷始咎周傳云咎惡也或作𠂔王篇𠂔毀也

𠂔

𠂔惟醜面從人佳聲詩惟切

𠂔惟醜面者本書雅醜也廣雅𠂔惟醜也楚詞九歌𠂔惟
倚於彌楹注云𠂔惟醜女也淮南修務訓噉朕哆噉還蘇
賦施雖粉白黛黑弗能為美
者嫫母𠂔惟也高云皆醜貌

𠂔

措也從人直聲直吏切

措也者本書措置也置當作值徐錯本有一日逢遇四字案釋訓逢遇見也郭注行而相值也

侂

寄也從人庀聲庀古文宅

他各切

寄也者集韻引同又云謂依止也本書託寄也廣雅侂寄也東方朔甘有先生論寡人獲先人之功寄於衆賓之上通作託論語可以託六尺之孤玉篇引作侂侂古文宅者徐錯本無此文錯云庀古宅字本書宅所託也古文作庀鄭注士相見禮云今文宅為託

儻

聚也從人尊聲詩曰傳杳背憎

慈損切

聚也者廣雅傳傳聚也離騷紛總總其離合兮王注總總猶傳傳聚兒通作擣漢書揚雄傳齊總總擣擣其相膠葛今顏注總總擣擣聚兒也詩曰傳杳背憎者小雅十月之交文彼作憎本書傳聚語也引詩傳杳背憎

儻

象也從人從象象亦聲讀若蒼

徐兩切

象也者韻會引徐錯本作似也案錯曰楚辭像設君室靜閑安謂似而設之也廣韻像似也易繫辭象也者像此者

也春秋後語秦謂齊曰宋王無道為木人以像寡人射其面漢書何奴畏郅都之威刻木像都之狀交弓射之博物志黃帝仙去其臣削木為黃帝像帥諸侯奉之史係劉師貞蚤失其母乃作偶人像以事之象亦聲者當為象聲

𡗗

罷也從人卷聲

渠眷切

罷也者木書券勞也禮少儀師役曰罷注云罷之為言勞也玉篇引書毫期倦于勤櫛行敦行而不倦劉植魯都賦至於日昃體勞怠倦

𡗗

終也從人𡗗聲

昨曹切

終也者楊倞注荀子富國篇引同

𡗗

桐人也從人揭聲

五口切

桐人也者廣韻倂偶人又云倂木人送葬設闕而能跳踊故名之出埤蒼檀弓謂為倂者不仁注云倂偶人也亦有而日機發似於生人家語公西赤問篇為偶者不仁不始於用人乎注云偶木人也六韜望其壘上多飛鳥而不驚上

連筠篠叢書

無氣必知敵計而為偶人也江表傳孫權使朱雋喻關羽令降羽乃作像人於城上而潛通齊策有土偶人與桃梗相與語趙策上梗與木梗鬪曰我者乃上也使我逢疾風淋雨壞阻乃復歸土今汝非木之根則木之枝耳汝逢疾風淋雨漂入河東流至海汜濫無所止越絕書桐不為器用但為備當與人俱葬淮南說山訓魯以偶人葬而孔子歎酸案孟子始作俑者其無後乎為其象人而用之也注云俑偶人也用之送死史記殷本紀帝武乙無道為偶人正義云偶對以土木為人對象於人形也酷吏傳何奴至為偶人象郅都索隱云漢書作寓人象案寓即偶也謂刻木為偶類人形也漢書江充傳充將胡巫掘地求偶人又云遂掘蠱於太子宮得桐木人公孫賀傳且上甘泉當馳道埋偶人顏注刻木為人象人之形謂之偶人偶並也對也鹽鐵論古者明器有形無實示民不用也及其後則有桐馬偶人潛夫論夏家造坐多埋珍寶偶人車馬論術自然篇偶人千萬不名為人者何也鼻口耳目非性自然也薄葬篇閔公獨葬魂孤無副故作偶人以侍尸樞史晨後碑飭治桐車馬於濱上王肅喪服要記魯哀公葬父孔子問曰寧設桐人乎哀公曰桐人起於虞鄉虞鄉齊人遇惡繼母不得登父死不能葬知有過故作桐人吾父生

得供養何桐人爲烈士傳羊角哀夢左伯桃求助戰因作
三桐人自殺下而從之謝惠連祭古冢文刻木爲人長三
尺可有二十餘頭又云撫桐棺哀李善云埤蒼桐木人送
葬也桐或爲偶偶刻木以像人形隋書帝與柳詵言宴終
日猶恨不能夜召命匠刻木偶人每月下對酒與相酌酢
爲懽笑通鑑軍士發呂用之中堂得桐人書高駢姓名於
臂在栝而釘之通作寓漢書郊祀志木寓龍一駟李奇曰
寓寄也寄生龍形於木也顧炎武曰此說恐非古文偶寓
通用木寓木偶也史記孝武紀作木偶馬而韓延壽傳曰
賣偶車馬下里僞物者棄之市道古人用以事神及送死
皆木偶人木偶馬今人代以紙人紙馬又史記殷本紀帝
武乙無道爲偶人謂之天神索隱曰偶音寓酷吏傳匈奴
至爲偶人象鄧都索隱曰漢書作寓人可以證寓之爲偶
矣又通作禺史記封禪書木禺龍象車一駟索隱禺音偶
謂偶其形於木後漢書袁紹劉表列傳其猶木
禺之於人也注云言其如刻木爲人無所知也

𠂔

問終也古之葬者厚衣之以薪從人持弓會毆禽多

切

問終也者王篇弔生日唁弔死曰弔曲禮知生者弔知死者哀成十三年左傳無祿文公卽世穆爲不弔杜云不見弔傷孟子出弔於東郭氏又云右師往弔古之葬者云云者急就篇喪弔悲哀面目腫顏注弔謂問終者也於字人持弓爲弔上古葬者衣之以薪無有棺槨常苦禽鳥爲害故弔問者持弓會之以助彈射也吳越春秋古者人民朴質火則裹以白茅投於中野孝子不忍見父母爲禽獸所食故作殯以守之絕鳥獸之害酉陽雜俎弔字矢貫弓也古者葬棄中野禮貫弓而弔以助鳥獸之害

昭

廟昭穆父爲昭南面子爲穆北面從人召穆

市招

廟昭穆父爲昭南面子爲穆北面者通作昭詩汾州汝箋云公族主君同姓昭穆也釋文昭說文作昭中唐宗廟之禮所以序昭穆也周禮小宗伯辨廟祧之昭穆注云父曰昭子曰穆王制天子七廟三昭三穆諸侯五廟二昭二穆大夫三廟一昭一穆祭統夫祭有昭穆昭穆者所以別父子遠近長幼親疏之序而無亂也論語禘自既灌而往者吾不欲觀之矣孔注禘祫之禮爲序昭穆耶疏昭南鄉穆北鄉其餘係從王父父曰昭子曰穆昭取其鄉明穆取其

北面尚敬新序魯哀公為室公儀子諫曰左昭右穆為室而大以臨二先君無乃害於孝乎漢舊儀子為昭孫為穆昭西面穆東面三年大祫諸帝以昭穆坐於高廟後漢書祭祀志元始五年始行禘禮父為昭南嚮子為穆北嚮注云汝疑要注曰凡昭穆父南而故曰昭昭明也子北面故曰穆穆順也穆通作繆荀子王制篇分未定也則有昭繆也注云繆讀為穆父昭子穆

神

神也從人身聲

失人切

神也者得神聲相近廣韻申身也本書申神也玉篇得姓身也

𡗗

長生僊去從人從𡗗亦聲

相然切

漢書藝文志神僊者所以保性命之真而游求於其外者也聊以遊意平心同歟生之域而無愴惕於胷中稽康養生論夫神僊雖不日見然記籍所載前史所傳較而論之其有必矣似特受異氣稟之自然非積學而能致也抱朴子論僊篇或問曰神僊不灰信可得乎抱朴子曰萬物芸芸何所不有況列僊之人盈乎竹素不灰之道曷為無之僊人以藥

說文解字義證

卷二十四

焉

連筠移叢書

物養身以術數延命使內疾不生外患不入雖久視不灰而
舊身不改苟有其道無以爲難也劉向所撰列僊傳僊人七
十有餘誠無其事妄造何爲乎申鑒或問神僊之術曰誕
哉未之也已矣聖人弗學非惡生也終始運也短長數也運
數非人力之爲也曰亦有僊人乎曰僊僊柱莽產乎異俗就
有僊人亦殊類矣或作仙廣雅仙已也桓譚新論天下神
人五一日神仙劉歆七畧方技四家有神仙家司馬光曰老
莊之書大指欲同歾生輕去就而爲神仙者服餌修鍊以求
輕舉鍊草石爲金銀其爲術正相反是以劉歆七畧敘道家
爲諸子神仙爲方技其後復有符水禁呪之術至寇謙之遂
合而爲一至今循之其說甚矣法言君子篇或問人言仙者
有諸乎曰吁吾聞伏羲神農黃帝堯舜祖落而歾文王畢
孔子魯城之北獨子愛其歾乎非人之所及也仙亦無益子
之彙矣或曰聖人不師仙歟術異也聖人之於天下恥一物
之不知仙人之於天下恥一日之不生曰生乎生乎名生而
實歾也或曰世無仙則焉得斯語曰語乎者非器器也歟惟
器器能使無爲有或問仙之實曰無以爲也有與無非問也
問也者忠孝之問也忠臣孝子倅乎不倅谷永說漢成帝曰
諸言世有仙人服食不終之藥遙興輕舉登遐倒景覽觀縣
圃浮游蓬萊黃冶變化皆姦人惑衆挾左道懷詐僞以欺罔

世

長生傳去者莊子千歲厭世去而上僊桓譚新論聖人皆
形解仙去言成示民有終仙經神仙輕舉謂之天仙列位
太清度名祕籍立示經外想宜絕內注玄真然後長生可
係太清真經一切含氣莫不貴生為天地之大德德莫過
於長生長生者必其外身也不以身害物非惟不害而已
乃濟物忘其身忘其身而身不忘是為善攝生者也真道
養神神能飛化 變
亦聲者當為變聲

棘

棘為蠻夷從人棘聲

蒲北切

本書羌下云西南棘人蓋在坤地頗有順理之性 廣志墨
棘濮在沅昌西南 陳琳檄吳文皇中羌棘 呂氏春秋恃
君篇氏羌呼唐離水之西棘人野人注云棘人讀如餽餽之
餽為夷中取賢者古所謂棘道 郡國志西夷有荔枝園棘
注江水云棘道縣本棘人居之秦紀所謂棘道之富者也
棘為蠻夷者史記司馬相如傳會唐蒙使略通夜郎西夷
中徐廣曰羌之別種也索隱引文穎曰夜郎棘中皆西南

覓文詳字彙登

卷二十一

五

連筠移叢書

夷後以為牂牁犍為二郡漢書會貨志散幣於邛僰以蠶
 之應劭曰僰屬犍為顏注本西南夷種僰今僰道縣也伍
 被傳羌僰貢獻顏注僰西南夷也後漢書杜篤傳垂驅氏
 僰注云竝西南夷號古文苑蜀都賦馬犀象僰注云僰道
 有僰人文選長楊賦羌僰東馳五臣云僰夷名從人棘
 聲者地理風俗記夷中畧仁有人道故字從人王制西方
 曰棘注云棘當為僰僰之
 言偏使之偏奇於夷戎

山

人在山上從人從山

呼堅切

疑此為僂之或體後人亂之管類仙俗僂字廣韻命輕舉兒
 釋名老而不死曰仙仙遷也遷人山也故其制字人旁作
 也山

人在山上者一切經音義十四引作人
 上山貌也又十六云人在山上貌也

僂

南方有焦僂人長三尺短之極從人堯聲

五聊切

本書羌下云西南夷人焦僂从人蓋在坤地頗有順理之性
 廣雅焦僂八疾之一曹憲云說文無立人旁焦竹書紀

年帝堯二十九年春焦僂氏來朝
古文苑短人賦焦僂短
人焦僂之後皇侃論語義疏南有八蠻三曰焦僂千祿
字書焦僂謂南方知人也西陽雜俎李章武有人腊長三
尺餘頭項髀助成就言是焦僂國人
實厥本末記突厥竊
北馬行一月有短人國長者不喻三尺亦有二尺者頭少毛
髮若羊胞之狀突厥手爲羊胞頭國其旁無他種類相侵俗
無寇盜但有大鳥高七八尺常伺短人
啄而食之短人皆持弓矢以爲之備

南方有焦僂人長三尺短之極者曹注廣雅引作焦僂短
人也魯語仲尼曰焦僂氏長三尺短之至也注云焦僂西
南蠻之別名晉語焦僂不可使舉注云焦僂長三尺不可
使舉重列子湯問篇從中州以東四十萬里得焦僂國人
長一尺五寸注云短人國名也韋昭曰西南蠻之別名也
按括地志在大秦國北也荀子正論篇以焦僂而戴太山
也注云焦僂短人長三尺者也富國篇是猶鳥獲與焦僂
博也注云焦僂短人長三尺者大荒南經有小人名曰焦
僂之國幾姓嘉穀是食注云皆長三尺海外南經焦僂國
在三首東注云外傳云焦僂民長三尺短之至也淮南地
形訓西南曰焦僂注云焦僂短人國長不滿三尺郭璞山
海經圖贊焦僂極麼靖人唯小四體俱足眉目才了稷案

列子東北極有人名殪人長九寸詩含神霧東北極有人長九寸外國圖焦僥國人長一尺六寸迎風則偃背風則伏斜目俱足但野猶一曰焦僥長三尺其國草木夏死而冬生去九疑三萬里劉氏新論觀量篇夫觀焦僥之節知非防風之脰袁孝政注云焦僥國人長三尺通典焦僥國其人長三尺穴居善游鳥獸懼焉

幣

幣也從人對聲

都隊切

市也者俗謂周周曰幣

狂

遠行也從人狂聲

居況切

遠行也者廣雅狂往也又云狂狂劇也楚辭九歎魂狂狂而南行兮王注惶遽之兒

伴

分也從人從牛牛大物故可分

其輦切

徐鉉所加

僊 安也從人僊聲

韻會引如此廣韻僊依人也於靳切
與僊同徐鉉新附僊字即僊之俗體

僧 馭馬也

御覽引如此案本書諺一
日諺僧聲類僧合市人也

遺文二